

善本書室藏書志

善本書室藏書志卷三十三

錢坫丁丙松生甫輯

集部十二

閔閑老人澄水文集二十卷

舊鈔本

金趙秉文撰秉文字周臣澄陽人閑閑其自號也中州集稱大定二十五年進士應奉翰林文字上書坐譏訕免官起爲同知岢嵐軍州事泰和二年改戶部主事翰林修撰出刺密遼州改平定州貞祐四年除翰林侍講學士轉侍讀興定中拜禮部尙書兼侍讀同修國史知集賢院薨年七十有四所著文章號澄水集者前後三十卷文則出於義理之學故長於辨析極所欲言而止不以繩墨自拘古詩筆勢縱放律詩壯麗小詩精絕多以近體爲之元光二年前翰林學士知制誥楊雲翼引云今禮部趙公實爲斯文主盟近自擇其所爲文章釐爲二十卷過以

見示披而讀之粹然皆仁義之言也後附元好問撰墓志墓志
言溢水集前後三十卷而歸潛志云閑閑晚年自擇其文凡主
佛老及爲二家所求作者另作一編號閒閒外集此二十卷殆
閒外集耳鈔本字頗流麗不著校者姓名

漳南先生文集四十六卷

吳氏鈔校本

漳南王若虛從之

若虛又號慵夫豪城人承安二年經義進士厯管城門山二縣
令用薦入爲國史院編修官遷應奉翰林文字爲著作佐郎遷
平涼府判官召爲左司諫轉延州刺史入爲翰林直學士金亡
歸里自稱漳南遺老後與劉祁東游泰山至黃峴峰憩萃美亭
談笑終焉金史入文藝傳集爲豪城令董彥明暨其丞趙壽卿
所刊凡辨證諸書經史者三十三卷文辨四卷詩話三卷詩文
止五卷前有李治王鶚彭應龍王復翁四序金源徵實之學鮮

有出其右者文則宗蘇而左韓詩則宗杜而抑黃自爲詩文轉
若不甚經意者集中詩與中州集本對勘覺字句爲善於此想
元遺山選時重加改削別有嘯夫集已佚繙谷亭主吳焯舊得
此書於淡生堂祁氏原本已歸徐蝶園中丞錄此副墨自爲校
正後世傳本皆四十五卷末一卷則錄自中州集者也有繙谷
蟬華二印

溥南集四卷詩話三卷

舊鈔本

宋寶土校顧俠君陳仲魚藏書

王若虛從之

前有樂城李治序又東明王鶚序云先生爲文不事雕篆惟求
當理尤不喜四六其主名節區別是非古人不貸也先生亡後
其子恕見子於燕京予盡以其書付之又二年樂城令董君彥
明益以所藏釐爲四十五卷與其承趙君青卿倡募鏤版以傳
又彭應龍翼夫序又大德三年雙桂書院王復翁序詩文四卷

藏書志卷三十三

二

較全集之後五卷分體爲整詩話三卷與全集合末有朱筆題云此秀野草堂藏本雍正五年四月二十又一日借較文瑞樓藏本於桃花陽乃婁東宋賓王手筆也有願嗣立印俠君陳鱣收藏二樣藏本馬氏收藏經籍之記諸印

莊靖先生遺集十卷

舊鈔本

汪魚亭藏書

李俊民字用章

俊民澤州人承安五年以經義舉進士應奉翰林文字案官隱嵩山下自號鳴鶴道人元世祖召以安車見復還山卒賜諡莊靖先生詩七卷多幽閒激烈之音文三卷亦冲和雅淡似其爲人澤州守段正卿嘗刊之正德三年沁水李瀚重刻而序之更有滄東集詩長平李仲紳王特升劉瀛史秉直等序鈐有汪魚亭藏閱書一印

遺山先生文集四十卷附錄一卷

明鈔本

馬寒中藏書

顧齋張德輝類次

金元好問撰好問字裕之太原秀容人中興定五年第歷內鄉南陽二令天興初除左司都事員外郎金亡不仕爲文有繩尺備取體碑版諸銘諸作多爲元人纂修金史張本其詩奇崛而絕雕剗巧壽而謹綺麗五言高古沈鬱七言樂府不用古題特出新意歌謠慷慨挾幽并之氣集前有中統三年李冶及陳郡徐世隆二序明宏治戊午巡按河南御史沁水李瀚得善本於太僕儲巖家始序而刊行而巖與王鶚杜仁傑靳貴跋其後附錄一卷則巖所輯也有紅藥山房收藏私印馬思贊印寒中諸圖記

湛然居士文集十四卷 影元鈔本 汪季青藏書

元耶律楚材撰楚材字晉卿遼東丹王八世孫金尙書右丞履之子從太祖平定四方太宗時官至中書令至順元年追封廣

甯王謚文正元史有傳集前有甲午仲冬萬松野老行秀序云
湛然居士年二十七受顯訣於萬松其法忘死生外身世毀譽
不能動哀樂不能入湛然大會於心精究入神盡得其道萬松
一日過其門見執菜根蘸油鹽飯脫粟萬松曰子不太儉乎曰
闔閉京城絕粒六十日守職如恆人無知者以至扈從西征六
萬餘里歷艱險困行役而志不少沮跨崑崙瞰瀚海而志不加
大客問其故而曰汪洋法海涵養之力也癸巳平水冰巖老人
王鄰序云中書之言自詠物之外多以國事歸美爲章句雖稷
契之忠皋陶之嘉禾易過此古律詩雜文五百餘首分爲九卷
而襄山孟攀鱗序云中省都事宗仲亨最爲門下之舊收錄公
之餘稿纖悉無遺今又增補雜文舉其全帙付門下士高冲霄
李邦瑞協力前修作新此本以示學者九山居士李微又序此
本湛然居士文集卷之幾作大字每半葉十行行十八字每卷

有目錄或有目錄連接正文者洵從元刻影鈔末有歸有光識語又有康熙辛丑六月初白老人手識有休甯汪季青家藏書籍摘藻堂藏書印平陽季子收藏圖書諸印

湛然居士文集十四卷

龍池山房鈔本

集凡十四卷惟第八第十三十四編有雜文餘皆古今體詩中多禪悅之語蓋楚材本受顯訣於萬松棄宿學而耽習梵經者也前有甲午萬松野老行秀序文癸巳平水冰巖老人王鄭襄山孟攀麟九山居士李微子微序微補遺者中書省都事宗公仲亨更新此集募工錄刻過雲中同監納樊子通見屬爲序末有歸震川題云僅見後七卷可知傳本之稀此舊鈔本版心題龍池山房祕本六字

藏春集四卷

舊鈔本

元劉秉忠著

秉忠字仲晦初名侃因從釋氏又名子聰拜官後更今名其先
瑞州人也年十七爲邢臺節度使府令史以養其親投筆去隱
武安山中爲僧世祖在潛邸召海雲禪師邀與俱入見應對利
旨世祖卽位秉忠不改舊服人稱聰書記至元元年拜光祿大
夫位太保參領中書省事詔以學士竇默女妻之賜第奉先坊
龍任愈隆十一年扈從至上都築精舍於南屏山無疾而卒贈
太傅封趙國公成宗時改諡文正仁宗時進封常山王秉忠自
幼好學至老不衰自號藏春散人其詩蕭散類其爲人有集十
卷至元丁亥翰林學士闕復序稱公歿後十有四年是集始行
於世夫人賈氏暨其子璋介翰林待制王之綱求爲序引序後
有參知政事左山商挺孟卿集處州知府瀛海馬傑廷彥校兩
行按元史載有集十卷明天順五年處州守馬偉釐爲五卷本
一卷爲誥命神道碑銘諸文自爲一序臨川黎近作後序然詩

僅七言律詩七言絕句及詩餘而無古詩及五言律絕又無雜文乃未全之本此又併五卷而爲四卷耳

張淮陽詩集一卷附詩餘一卷

舊鈔本

宿人周越校正重刊

元張宏範撰宏範字仲疇易州定興人汝南忠武王柔之第九子官至鎮國上將軍蒙古漢軍都元帥將兵入閩廣滅宋於崖山師旋卒累贈太師淮陽王諡憲武元史有傳宏範生長名門天資超邁幼嘗學於郝公伯常友於鄧氏光薦事功之暇託興咏歌雅韻清辭雍容諧逸固非服介冑者所能及也金臺王氏嘗以詩詞刻於其家之敬義堂至正十年其曾孫旭訪舊刻而重梓之江南諸道行臺御史許從宜爲序并刊廬陵鄧光薦原序明正德辛未公安知縣周越又梓而序之

白雲集三卷

知不足齋鈔本

錢塘釋英實存

英爲唐詩人厲元之後父石田居士由婺徙杭故爲錢塘人幼而力學長喜爲詩壯益刻苦慕貫休齊己從友走閩浙江淮燕汴厭於世故一日登徑山聞鐘聲有悟遂爲浮屠結茅天目山中數年遍參有道尊宿皆印可之故其詩有超然出世外之趣凡一百五十首分三卷前有至元壬辰蜀人牟巖趙孟頫胡長孺林昉趙孟頫若序巖又爲之跋有奇書無價爲流傳勿損污知不足齋鮑氏以文藏書努力三餘諸印卷端鈐翰林院印蓋四庫館發還鮑家收藏之書也

稼村先生類稿三十卷

影寫明刊本

古豐王義山元高著廬山李嘉龍伯雨讀門人曾震龍編不肖孤惟肖鈔七世孫從冠刊行

義山豐城縣梓溪里人宋景定中進士知新喻縣歷永州戶曹

入元提舉江西學事退老東湖環居皆蓮名其堂曰君子又於
先廬旁扁其屋曰稼村四方學者稱爲稼村先生稿爲詩三卷
雜文二十七卷說經之作多有根據表啟亦有組織子惟肖旣
刊斯稿并附錄一卷列先生自序後隨漣晦至明正德十一年
七世孫從冠復爲版傳南京禮部右侍郎同邑楊廉爲前序同
時泰和羅欽順東鄞陳槐爲後序

方虛谷桐江集四卷

鮑氏鈔校本

元方回撰回字萬里號虛谷歙縣人宋景定壬戌別省登第官
提領池陽茶鹽遷知嚴州人元爲建德路總管阮氏擘經室外
集載回桐江續集 四庫全書已著錄皆其元時罷官後所作
其前集名虛谷集黃虞稷千頃堂書目所載疑卽是編按周密
極譏回爲人之鄙伏讀 四庫提要云集中諸文居然醇儒之
言要不可謂其悖於理如賈似道魯港喪師之後眾皆慮其復

入回上書數其十罪繼又言似道與其客廖瑩中皆當卽誅又請罷王燭平章以佚其老見集中前後上書並確有所見中外快之卽他文亦多有根據云云按阮氏奏進爲八卷此本四卷爲賦爲序爲說爲記爲跋爲辨爲評爲書爲表爲露布爲青詞爲上梁文爲墓銘爲祭文爲攷文體皆備或出未分以前原帙鮑廷博更從戴表元剡源文集中錄桐江集序并於首

虛谷桐江續集三十七卷 鮑氏校鈔本

此書黃氏千頃堂書目所載作五十卷此集總目僅四十八卷是已缺後二卷矣卷一卷二爲文卷三至卷四十二爲詩卷四十三至卷四十八爲文據自序云詩自壬午至戊子二十卷卷百首今是集詩凡三十卷則二字當爲三字之誤今檢鈔本全缺者卷三卷十四二十一二十三二十四三十三三十四三十六三十九四十四四十一凡十一卷實存三十七卷而卷一卷十

九二十七中間均缺數葉卷七缺後數葉是本知不足齋鮑廷博從元刻鈔錄如第四卷五卷六卷九卷十卷二十五卷二十七卷未有題從事郎富國路儒學教授曹祐編次及男方存心正心刊行初授徽州路儒學教授林一桂表姪劉秉義甥姪汪庭芝古杭徐芝學學生徐某等條當爲後人所增周密癸辛雜識詆回之人品汙下或有過實就文論文亦不肯理宋末元初實一作手鮑以文於卷首書云新安文獻志載虛谷文二十九首惟二首載續集九首載桐江集餘當別鈔一卷附後有老屋三間賜書萬卷歛西長塘鮑氏知不足齋藏書二印

剡源戴先生文集三十卷補一卷

舊鈔本

張月霄藏書

四明戴表元帥初

表元一字曾伯或稱質野翁充安老人奉化剡源鄉人七歲學詩古文多奇語後師鄞王氏應麟天台舒氏岳祥以文章名家

宋咸淳間登進士乙科教授昇學歸屢薦不起寓鄞授徒甚眾
袁學士稱其一也元初以執政薦強起教授信州輒棄去卒於
家元史有傳傳稱其學博而肆其文清深雅潔化陳腐爲神奇
洪武四年集上史館宋氏濂序而刻之凡二十八卷表元自有
序歲久傳稀嘉靖丙辰四明周氏儀羽可蒐得全集舊目博訪
旁蒐輯成三十卷萬厯癸酉序之辛巳表元後裔洵刻之然版
本亦不易得也此愛日精廬鈔藏祕冊錄何義門手識云康熙
庚寅從隱湖十丈借得嘉靖以前舊鈔一冊以校新刻則唐畫
西域圖記後幅脫去二百六十餘字其他改正處甚多集中文
爲新刻所逸者凡十二篇復補錄焉毛文憐余校之勤也云家
有剡源詩亦舊鈔并以借我乃書以志喜煒後補一卷卽所從
出且有張月霄印愛日精廬藏書二印

何義門焯云刻源文集余病謬謬不可讀選藏書者必問嘗蓄善本否康熙庚寅始從隱湖毛十丈借得嘉靖以前舊鈔一冊爲文祇六十五篇合甲乙丙丁四卷以校新刻則唐畫西域圖記一篇後半幅脫去二百六十餘字其他賴以改正處甚多集中文爲新刻所逸者凡十二篇三卽此本也舊因黃氏宗義繕刻此集遂傳爲黃氏所編四庫據入存目稱記十六首序三十六首墓誌銘四首題後九首宗義間加點定其持擇頗精密然不足以盡表元也微焯識語則無從知爲嘉靖以前所編矣有研林精舍沈廷芳印盪蒙山下卜居四印

剩語二卷 鈔本

元艾性夫撰館臣從永樂大典錄出釐爲二卷攷性夫字天謂撫州人咸洎間貢士入元爲江浙道提舉嘗授經講學就學盈門詩則氣清韻雅古詩尤爲排奐著有孤山晚稿及剩語大典

所錄者剩語爲多故取以標目

桂隱詩集四卷文集四卷

影明嘉靖刊本

瑣川吳氏藏書

元謐文敏村隱劉說著賜進士門人羅如篴編

說字桂翁廬陵人延祐復科舉之後屢試不第江南行御史臺
屢以教官館職遺逸薦皆不報至正十年年八十三卒賜謐文
敏元史有傳集爲門人羅如篴所編前至章閣侍書學士翰林
院侍講學士通奉大夫知制誥同修國史雍虞集翰林學士資
善大夫知制誥兼修國史渤海歐陽元各有序後有至正元年
門人羅如篴宗仲後識陶錄夏以忠撰行狀歐陽元撰墓碑銘
至正二十六年二月初四日謐桂隱先生文敏咨文元史列傳
危素撰傳及景照詩文此本有嘉靖四十二年曾孫三德二十
世孫方顯族孫志孔等題識按如篴跋稱先梓其詩十四卷今
本止四卷殆已有刪削歟有瑣川吳氏收藏圖書

柱隱詩集四卷

明嘉靖鈔本

振綺堂藏書

元諡文敏柱隱劉訖著元賜進士門人羅知幾顏成子編刊明曾孫三德川敦炘重編族孫方興天健志孔校刊

此本與影鈔本同惟祇存詩集刻本耳有汪魚亭藏閣書一印巴西鄧先生文集一卷

舊鈔本

汪魚亭藏書

元鄧文原撰文原字善之縣州人父清徙錢塘至元間辟爲杭州路儒學正大德間擢修撰至治二年爲祭酒卒於致和元年年七十有一贈參知政事謚文肅義烏黃潛謂公文精深典雅潤澤而有體確實而有微一書生病篤取囊中金屬歸還其親既死同舍生竊金去文原買金償死者家終身不以語人其大度如此詩有素履齋集顧剛立並刻元詩選中文則未見雕本卷端有汪魚亭藏閣書一印

王斗山人集三卷

文瑞樓精鈔本

南宋玉斗山人王奕伯敬著明太鶴山人陳中州批點

奕玉山人舊著斗山文集十二卷梅巖雜詠七卷漚沒散亡無從蒐拾幸存未泯者東行斐稿耳明嘉靖二十一年其鄉人陳中州稽集付刊佚其四詩附其兩文改題今各詩則磊落有氣畧題南宋而莫大成至聖文宣王文稱維至元二十六年歲在己丑八月丁未朔越三日己酉江南儒生王奕等致祭云云又玉窗如庵記後題歲癸巳三月朔前奉旨特補玉山儒學教諭王奕伯敬撰則仍食元祿者也錄本格版有文瑞樓三字

松鄉先生文集十卷

舊鈔本

句章任士林叔實甫著豫章鄒維璉德甫校

士林字叔實號松鄉奉化人先世居蜀縣竹再世徙居培山幼穎秀能文諸子百家靡不周覽鄉之子弟多從之學嘗經理文公書院教授上虞已而投徒錢塘宗陽宮杜尊師館之至大初

左丞都公舉爲湖州安定書院山長年五十七卒嘗以復志賦
壽光先生傳就正黃公厚齋特爲書後士林自識小跋冠於篇
端趙公孟頫見所作上虞蘭亭山寺碑文深相契洽及歿爲志
其墓永樂三年其孫福建參政勉梓其集祭酒胡儼序之萬厯
乙巳同邑孫能傳從祕閣得之乃元至正四年浙江行中書舊
刻四帙凡十卷爲記四十一首誌銘九首傳六首敘二十一首
說引八首賦十八首雜著二十二首詩三百六十八首雜著二
十三首今核其數多不符殆又有遺佚耳全謝山鮑琦亭集載
答萬九沙問松鄉集書足見當日傳本之罕矣

松雪齋文集十卷外集一卷

元至元刊本

陳西鵠藏書

元趙孟頫撰孟頫字子昂宋秦王德秀之後五世祖偁生孝宗
賜第湖州故爲湖州人年十四以父蔭補官宋亡家居程鉅夫
奉詔搜訪遺逸得孟頫以入見世祖顧之喜延祐中累拜翰林

學士承旨卒封魏國公諡文敏所爲詩文清邃奇逸讀之使人有飄飄出塵之想此元槩本前有大德戊戌剡源戴表元敘後有至元後已卯長沙何貞立跋卷十後有跋云松雪翁詞翰妙天下片言隻字人輒傳玩公薨幾二十年矣而平生所爲詩文猶未鏤版今從公子仲穆求假全集與原誠鄭君再加校正亟鈐諸梓置之家塾俾識者得共觀焉至元後已卯夏月十日花谿沈璜伯玉書四明阮子陽刊後附至治二年八月日承務郎饒州路同知浮梁州事楊載撰行狀至順三年三月文敏諡文按花溪在歸安縣東六十里璜與沈夢麟同族與趙氏有連也有陳氏家藏半江陳氏西泠草堂藏書諸印

松雪齋集二卷

明舊唐刊本

黃庭梁氏藏書

元趙孟頫撰此二卷前列本傳又大德戊戌剡源戴表元序上卷賦四篇五言古詩八十首七言古詩十九首五言律詩二十

四首五言排律一首下卷七言律詩四十七首五言絕句十一首六言絕句二首七言絕句三十首雜著三篇序三篇記四篇碑銘七篇制一篇贊三篇銘一篇題跋二篇尺牘十二篇詩餘二十七篇爲萬曆甲寅樟亭江元禧選刻本自有後跋亦有錢塘梅鼎和校六字以杭州先哲所刊存之有真定梁氏清遠書屋蔡石子述甫印和室老人梁繼之印諸圖記

輝山存稿一卷附葦庵稿一卷

舊鈔本 汪魚亭藏書

元吳江蕭國寶著明同邑史元閱

國寶字君玉號輝山山陰人流寓吳江集乃至順二年其嗣子英所編次而孔濤爲之序云君玉握瑜懷璞韞而不沽發而爲詩皆補於世道之作此本爲崇禎己卯十五世孫雲程重編詩僅二十四首疑掇拾散逸所成附雲程著葦菴稿一卷有吳有涯序雲程字漸于篤於孝行開卷卽陳情詩也有汪魚亭藏閱

書一印

臨川吳文正公集四十九卷外集三卷

明萬厯刊本

元吳澄撰澄字幼清撫州崇仁人生三歲穎悟教之古詩隨口成誦五歲日誦千餘言既長於經傳皆通習之侍御史程鉅夫奉詔求賢徵至京師以母老辭歸至元元年召爲國子監丞尋陞司業謝去英宗卽位拜翰林學士同修國史泰定二年英宗實錄成未上卽移疾登舟去驛追不及帝曰吳澄國之名儒朝之舊德今請老歸不忍重勞之宜有褒異加資善大夫初居草屋數間程鉅夫題曰草廬故學者稱曰草廬先生元統元年疾卒時年八十有五追封臨川郡公諡文正其集一百卷有自序刊本見季氏書目永樂中五世孫燿成化甲辰宣德乙卯並爲重刊此爲萬厯壬子臨汝守晉江蘇宇庶所序云臨川湯義仍損其重複荒略者少許而梓焉存之學宮前列臨川郡公從祀

孔廟議門人危素著年譜一卷道學基統一卷外集本四卷今闕其一止三卷有學生譚觀一跋後附神道碑行狀本傳

益齋亂稿十卷拾遺一卷

鈔書應刊本

元高麗李齊賢撰齊賢字仲思號益齋年十五以文學中本國丙科元武宗時高麗忠宣王入侍極其至都與姚燧趙孟頫游其學益進又隨忠宣王使蜀游江南集中因多吳蜀留題之作官至雞林府院君領藝文春秋館事至正二十七年卒年八十一諡文忠著有櫟翁粹說南游行錄益齋文集其孫寶林以亂後內文集蕩失殆盡獨此編僅免乃裒集改題曰亂稿非初名也豐山柳成龍爲跋至正四年刊明宣德壬子再刊於原州金鑄爲跋三刻於萬歷庚子前有小像後有李穡撰墓志銘末爲拾遺則萬歷時其十一世孫時發所補輯也中有二陵早發云將如成都內翰趙松雪以古調一篇相送載入全集今松雪

集中不收又附張希孟元復初各一詩均逸作也

金淵集六卷

盧抱經校本

元仇遠撰

遠字仁近一曰仁父錢塘人因居餘杭溪上之仇山自號曰山村民宋咸淳間卽以詩名元大德九年嘗爲溧陽教授官代歸優游湖山以終集久佚僅存方鳳牟獻戴表元所爲序乾隆庚申項夢龍輯其遺詩名曰山村遺稿而吾邱衍舊題所謂仇仁父解秩建康有新文曰金淵集者亦久不傳四庫館臣採自永樂大典編次猶得六卷旣入之聚珍本浙江行省復刊作巾箱式而盧抱經又細校之後記云乾隆辛丑後五月十九日西湖盧文弨在晉陽三立書院再看一周令我懷鄉之情益不可遏有抱經堂校定本武林盧文弨手校二印

山村遺稿二卷

舊鈔本

元錢塘仇遠仁近甫著

山村遺稿 四庫著錄者爲乾隆庚申項夢昶輯此本二卷實興觀集之一較項輯雖少詩十四首并缺雜文十五篇然究爲三百年前之舊本也存之以寓敬恭之意

靜修先生文集三十卷

明宏治刊本

保定崔詩校正

元劉因撰因字夢吉保定容城人三歲識書六歲能詩七歲能文及長得周程張邵朱呂之書一見能發其微嘗愛諸葛武侯靜以修身之語表所居曰靜修至元十九年詔徵拜右贊善大夫未幾以母疾辭歸二十八年召爲集賢學士以疾上書宰相固辭三十年卒年四十五無子延祐中追封容城郡公謚文靖至順間崇文堂刊集二十二卷前有李謙序明永樂癸卯儀真陳立序稱至正癸未哈剌那海僉浙西道事刻版於嘉禾郡庠

有江南浙西道肅政廉訪司下嘉興路總管府刊行牒文今越七十餘年浙西僉憲龍公按臨於茲覩版腐朽謀於太守鹽城胡公重修之而成化己亥蜀藩又序刊之此爲宏治辛酉刑科給事中慈溪周旋後序云吾邑侯崔君嵩於先生爲同里政事之暇慨然有志偶得善本輒捐俸命工梓行俾予序之凡丁亥集六卷內附樵菴詞遺文六卷遺詩六卷拾遺七卷楊俊民哀錄續集三卷房山賈彝編附錄二卷皆薦贖贍記墓表也有三立堂選淪齋二印

靜修先生文集十卷

明萬曆刊本

汪魚亭藏書

容城劉因夢吉甫著益都後學蔣如莘梓

是集一卷爲理學類說類記類序類書類二卷文類題跋類疏類贊類雜著銘類碑銘誌表類哀辭類三卷賦類五言古詩類四卷七言古詩類五卷五言律詩類六卷七言律詩類七卷五

言絕句類八卷七言絕句類九卷和陶詩類辭類雜言類樂府類先世業事類十卷附錄追贈靜修文類每類更有篇目首有遺像歐陽元像贊萬厯十六年進賢方讓壯序曰萬厯丁亥予更領先生邑事剪蕪先生祠下問邑中諸老謂言先生昔家邑之垢市村今裔族久溲惟邱墓幸在越數日購獲先生丁亥集并遺文數卷字句訛舛至不可讀於是請於邵伯隄陵顧公許重梓焉無何顧公治兵三關而太原李公至邵予復請如初遂命諸生孫重捷王衍祚侯進之分類訂校共得詩文凡若干卷義壯序識歲月有汪魚亭藏閱書一印

牧潛集七卷

舊鈔本

元釋圓至撰至字牧潛號天隱本高安姚氏子以咸淳甲戌出家依仰山欽公脫髮時年十九至元元貞間住建昌能仁寺大德二年卒於廬山年四十二集七卷舊有方回序又有姚廣孝

序已佚惟存大德三年天目雲松子洪喬祖崇禎己卯吳門華

山後學明河二跋

還山遺稿二卷附錄一卷

影寫明本

汪魚亭藏書

後學宋廷佐輯

元楊奐撰奐字煥然乾州奉天人母夢日光射身神人授筆而生其父以爲文明之象因名曰奐年十一母歿哀毀如成人金末舉進士不第教授鄉里入元以薦授河南課稅所長官兼廉訪使謚文憲元史有傳所著有還山集六十卷他集仍百餘卷皆燬滅不傳嘉靖初南陽宋良弼廷佐旁求三十年僅獲百一凡文一卷詩一卷附以攷歲略終南山人王弼凱爲之序其間所述汴故宮記東道記尤資攷證詞則氣格段偉有中原文獻之遺附錄皆傳記題詠之類有汪魚亭藏閣書印

魯齋全書七卷

明正德戊寅刊本

廣川吳氏藏書

四川按察司副使河南郝綰玉卿集翰林院修撰懷慶何塘粹夫
校正河內知縣關西高傑冠英刊行

元許衡撰衡字仲平懷之河內人與姚樞賈默相講習慨然以
道爲己任世祖召爲太子太保改祭酒未幾謝病歸至元十三
年後起領太史院事定新歷十七年歷成辭歸卒大德三年贈
司徒謚文正至大二年封魏國公至慶二年詔從祀廟廡大德
九年眉山楊學文序云中齋蘇公來牧安成出其遺稿六卷以
廣其傳歐陽圭齋作神道碑述姚牧庵公作祠堂記謂五百年
必有召世者出惟公足以當之云云此爲衡七世孫壻郝綰編
輯未竟繼成於河內教諭宰廷俊刊行於縣令高傑而何塘爲
之序前有小像王盤讚田裕齋藏書記云載元刻多性理一種
附錄一卷卷首有璜川吳氏收藏圖書汪魚亭藏閱書兩印

魯齋遺書十四卷

明萬曆刊本

懷慶府知府賈強江學詩同知惠安鄭道興通判臨潼孫汝正推官涇陽怡愉編輯

浙江採集遺書總目遺書十四卷元國子監祭酒河內許衡撰衡與姚樞竇默同隱蘇門得程朱遺書日相講習世祖在秦中聞其名徵授官游歷祭酒年七十三卒語其子曰我生平爲虛名所累死後慎弗請謚立碑也前列萬歷二十四年河北道蒲坂張泰徵及江學詩怡愉鄭道興序按四庫著錄凡八卷附錄二卷乃嘉靖乙酉山陰蕭鳴鳳重編首二卷語錄第三卷小學大義直說大學要略直解第四卷上爲中庸直解讀易私言據著說陰陽消長篇第五卷奏疏第六卷上雜著下書第七卷八卷詩詞附錄二卷則像贊詔敕後人題識之文此雖十四卷仍八卷本而析其卷也有嘉興陳氏其榮一印

雙溪醉隱集六卷

舊鈔本

元耶律鏐撰

鏐字仲成遼東丹陽王九世孫中書令楚材子累官中書左丞相卒追贈懿宗王諡文忠元史有傳鏐性聰敏善騎射從憲宗征蜀著功績三入中書法令雅樂多爲贊定經濟文章綽有父風元好問李冶俱相友善所著雙溪集僅見於明內閣書目書久不傳館臣採自永樂大典釐爲六卷仍綴呂鯤趙著麻革王萬慶釋性英原序原跋其中所述塞外地理典故與海陵章宗軼事官室制度多足攷證舊史補裨金源掌故也

許白雲先生文集四卷

淡生堂鈔本

振綺堂藏書

金臺李伸編集

元許謙撰謙字益之金華人延祐中以講學名學者稱爲白雲先生賜諡文懿初從金仁山游講明朱子之學不甚留意詞藻然有德者必有言不必追唐摹宋自然流出深具雅音明正統

丁卯李仲序云余幼時得此於祖妣王氏家蓋王氏之先有諱麟者實游先生門多存先生書此蓋草稿手澤尙新惜未編次故無統紀因分爲四卷而成化丙戌金華陳相序云吾拜憲職出巡東廣方伯張公袖出白雲集寫本四卷見示因節廩食助方伯梓人以惠來學附先生學箴一首明黃淮胡廣張洪錢溥跋藍格版心有淡生堂鈔本五字並有山陰祁氏藏書之章璣翁手識子孫世珍諸印

許白雲先生文集四卷

精鈔本

劉疏甫藏書

元許謙撰卷一四言古詩五言古詩五言律詩七言古詩七言律詩七言絕句卷二賦序記行狀卷三啟文書卷四論說雜著詞前載元史行實後附錄學箴永樂辛卯永嘉黃淮廬陵胡廣序吳張洪天順壬午雲間錢溥序鈔本字甚精潔有偶爲烏程劉氏珍藏疏甫薰習徐敦復印無悔徐仲子藏書曾在龍山陸

氏香國處各印疏雨諱桐字翁揮烏程人銳志聚書築眠琴山館以藏之屬奚鐵生寫訪書圖以寄意

水鏡元公詩集一卷

舊鈔本

溧陽總管元淮水鏡六世孫道泰

淮字國泉號水鏡臨川人至元初以軍功顯於閩官至溧陽路總管其詩有擊壤集之風是集亦名金困困古淵字與仇遠金淵集同名蓋與遠同官溧陽均取投金淵之義耳前有正統九年邵武儒學教諭吉水謝卓序後有裔孫識語

默菴安先生文集五卷

舊鈔本

元安熙撰熙字敬仲蕤城人所學一以劉因為宗朱子四書集注初行於北王若虛起而辨之陳天祥更鼓其說熙力與爭其與衛紫陽之功自不可沒熙年止四十有二歿時子璽尚幼不知收拾其文門人蘇天爵始加輯錄類爲內集五卷外集五卷

泰定四年其子廣甯路儒學正壁有記目錄後有前鄉貢進士
真定路趙州儒學正門生楊浚民校歸應奉翰林文字承直郎
同知制誥兼國史院編修官門生蘇天爵撰行狀會稽袁桷撰
墓表末有蒙隱褐夫記云蘇氏所編安敬仲內外集各五卷此
其內集也自勝國以來絕少傳本余從鄒生借得李氏藏本錄
爲一冊謬誤孔多姑闕其疑而存之

雲峰胡先生文集八卷附錄二卷

明正德刊本

汪鳳亭藏書

掌祠生奉祀生員愈裔孫縣學生員嘉章重輯

元胡炳文撰炳文字仲虎婺源人以易學名家著易本義通釋
而於朱子四書用力尤深族子浚建明德書院處之從學之盛
甲於東南所居而山學者稱雲峯先生廼祖中人署山長再調
蘭溪學正元統元年卒年八十有四集賢院劄謚文通文集本
二十卷兵燹散逸明成化中七世孫用光暨其子鄉進士溶輯

拾重刊詩文八卷附錄本傳行狀及明德書院記序等篇正德丁卯三山林瀚戊辰休甯汪循宏治己酉後學汪舜民並有序識正德丁卯徽州知府何欽爲後序戊辰掌祠孫惠州府教授溶題跋有汪魚亭藏閣書印

秋澗先生大全集一百卷

明宏治翻元刊本

元王惲撰惲字仲謀一字秋澗汲縣人官翰林學士承旨謚文定少從遺山鹿庵紫陽神川四先生游及壯周旋於單侍講曹南湖高吏部郝駿川王西溪胡紫山之間天資既異講習又勤歷官國史編修監察御史出判平陽路燕南河北按察副使福建按察使翰林學士遇事論列未嘗一日停筆遺稿一百卷翰林待制男公孺所編延祐七年朝廷以其書關係政教嘗經乙覽移江浙行省給帑刊於嘉禾有王構羅應龍序公孺及王秉彝跋迨明宏治十一年河南按察副使提督學政渡澤車璽嘗

展拜衛輝阡墓因侍御泌水李公瀚泣謂先生遺文不於故址表章之何以風動鄉之士民乃與河北道祝公直夫僉事包公好問校正疑誤分檄開封衛輝馬侯龍金侯舜臣繕寫翻刻璽爲之序惟元刊之王構王士熙王公儀羅應龍等跋皆闕元刊制辭哀挽墓志皆列總目之後目錄之前版心仍作目錄二字此刻則改附錄二字較爲允當耳有越谿草堂一印

秋澗先生大全集一百卷

宋寶王鈔校本

江間源藏書

前有至大己酉翰林學士承旨王構序延祐七年王士熙序至治壬戌嘉禾邵文學接羅應龍書後及右計其工役始於至治辛酉之三月畢於至治壬戌之正月三行嘉興路司吏楊恢監督嘉興路儒學錄余元第董工前蘭溪州州判唐泳涯校正三條又王秋澗先生小像及附錄一卷并目錄一百卷後有延祐七年庚申男王公儒書后至治改元右衛王秉彝後序雍正

六年戊申正月八日婁水宋賓王書云此集曾於蘇邵採蓮巷
王蓮涇先生獲見元時刻本頗多闕文中開計欠百餘葉先生
必購求元版補鈔故至今闕如茲從楚門橋王氏逸陶先生所
藏就室上手鈔本錄得之終篇祇欠六葉凡三較尙有疑譌
處標識猶俟同志者購求全善之本補足較改之每卷末均記
葉數有高山流水宋蔚如收藏印宋賓王印蔚如氏校五印又
有平陽氏藏書印士鐘閭源甫二印又有潘氏桐西書屋之印
潘介繁印碩庭所藏各印

楚國文憲公雪樓程先生文集三十卷附錄一卷

影鈔洪武刊本

奉直大夫祕書監著作郎男大本輯錄翰林侍講學士中奉大
夫知制誥同修國史知經筵事門生揭傒斯校正

元程鉅夫撰鉅夫初名文海避武宗諱以字行先自徽州徙郢
州京山叔父飛卿任宋通判建昌遂家焉入元以重臣薦召見

試筆札稱旨授應奉翰林文字累官翰林學士承旨追封楚國公謚文憲元史有傳郢州有白雪樓鉅夫嘗以名所寓世故稱之文章雄渾雅則敘事詳密制誥見代言之懿國史備述作之工公卿大夫碑版題品得一言者如獲拱璧詩則七言尤多道警揭傒斯原編四十五卷廬陵歐陽元李好文爲之序後其孫世京與揭汝重定爲三十卷一至九玉堂類稿卷十奏議十一至二十五記序引碑銘贊說歲祭文祀文書啟題跋二十六至三十詩終以樂府至正二十三年刊於建陽劉氏書肆甫成十卷元亡肆毀世京之子程潛程潛續刊至洪武二十六年而成江陵熊釗序之附錄年譜行狀神道碑記贊詩詞書後祭文爲一卷此觀像樓呂氏依洪武本繕寫有無黨校正圖書呂公忠印無黨手鈔難壽幾世好書人三印後歸花山馬氏有衍齋師友傳習之物馬恩贊仲安等印

漢泉曹文貞公詩集十卷後錄一卷

元刊本

文林郎江南諸道行御史臺管句男復亨類集國子生浚儀胡益
編錄

元曹伯啟撰伯啟字士開陽山人至元中薦除冀州教授天歷
初官至陝西諸道行臺御史中丞卒諡文貞詩凡五七言古體
長句律體樂府總若干首皆官轍所經其寄寓紀述懷感諷刺
賦詠皆目擊耳聞眞履實踐溫秀溫麗諸製皆工非苟作也是
書類集者其子復亨編錄者國學胡益序者江南諸道行御史
臺侍御史張起巖翰林侍講學士兼國子祭酒歐陽元禮部侍
郎蘇天爵國子司業呂思誠及至元後戊寅特進上卿元教大
宗師吳全節又後錄一卷爲曹鑑奉敕所撰碑及像贊祭文哀
詞版刻寬大每半葉九行行十五字洵元槩之佳者惟前列御
史臺咨文太常寺諡議已闕佚

漢泉曹文貞公詩集九卷樂府一卷後錄一卷

舊鈔本

前有張起巖歐陽元蘇天爵呂思誠吳全節序一卷五言古詩十九首二卷七言古詩二十九首三卷五言長律七首五言律詩四十二首四卷七言律詩五十四首五卷七言律詩四十首六卷七言律詩三十六首七卷七言律詩五十一首八卷七言絕句八十九首九卷七言絕句九十二首五言絕句一首十卷樂府三十五首後錄中大夫禮部尙書臣曹鑑奉敕撰大元故資善大夫陝西行御史臺中丞贈體忠守憲功臣資政大夫河南江北等處行中書左丞上護軍追封魯郡公諡文貞曹公神道碑銘并序及像贊祭文哀詞等作皆錄自元槧本者較之閣本諸序全闕者有間矣

芳谷文集二卷

明鈔本

豫章德興徐明善志友父著

明善別號芳谷一稱鄱陽人至元間嘗爲隆興教授遷江西儒學提舉歷主江浙湖廣考試拔黃潛於落卷中奉使交州國其王子陳曰炫聞明善工詩舉厄立索遂口占云乘傳入南中雲章照海紅天邊龍虎氣南徼馬牛風日月八荒作車書萬里同丹青入王會茅土胖無窮日炫遂納款奉貢詩名大振然此集止有其文一百餘篇多尙性理無語錄之習又無前後序跋可攷白紙黑格似屬明鈔上有翰林院印當曾入館中而退還者

陳剛中詩集四卷

舊鈔校本

天台陳孚剛中

孚臨海人至元中上大一統賦薦畧上蔡書院山長二十九年世祖命梁曾以吏部尙書使安南朝臣薦孚攝禮部郎中爲曾副至安南宣布威德辭直氣壯皆孚筆也後遷台州路總管府治中大德七年浙東元帥脫歡察兒怙寵立威不恤民隱孚詣

宣撫使翹其不法蠹民事十九條按坐其罪而孚以此致疾卒
所爲詩文任意卽成不事雕琢有觀光稿交州稿玉堂稿及附
錄與安南國王往復書札等篇後有洪武壬午錢塘皇甫暉序
稱今浙江布政司參政順德趙公按部之暇詢其家而得是編
懼久湮沒歸而鉅梓天順庚辰平湖沈琮知廣州得錄本校正
譌字冠元史傳再刻之此本舊爲朱氏潛采堂藏錢塘姚瑚借
知不足齋本校之而傳鈔者也

秋巖詩集二卷

舊鈔本

元陳宜甫撰

焦竑國史經籍志載陳宜甫秋巖集一卷下無注語館臣從永
樂大典輯編二卷并攷宜甫爲閩人元世祖時爲侍從成宗時
又爲晉王僚屬集中多與盧摯姚燧趙孟頫程鉅夫留夢炎諸
人唱倡和其詩則非所欲言自有雅音卷首有翰林院印中有

塗改之筆蓋館中底本也

玉井樵唱三卷

舊鈔本

遂昌柘溪尹廷高仲明

廷高又號六峰遂昌人其父棟號竹坡宋寶祐間任武甯縣主簿升紹興府參軍卷首廷高自記云先君號竹坡登癸丑奉常第宦游湖海作詩凡千餘首丙子家燬於寇遺編無一存者僅憶秋日寄僧一聯白蘋影蘸無痕水黃菊香催未了詩存止此耳先業無傳雅道幾廢不肖孤之過也廷高大德間任處州路儒學教授元詩選稱其掌教永嘉集中永嘉書所見云此邦幸小稔竊祿似有緣永嘉官師表不載廷高名似偶遺耳詩則清雋而無俗氣未可以氣格不超而少之

蒲室集十五卷

舊鈔本

李伯甫藏書

豫章釋大訢笑隱

大訢字笑隱南昌陳氏子居杭之鳳山遷中天竺文宗入繼大統改建康潛邸集處寺特命居之集凡詩六卷文九卷前有至元四年虞集序稱其精神所及六藝百家皆不足學說法之餘肆筆爲文莫之能禦集中詩多與趙孟頫柯九思薩都拉高彥敬馬臻張翥李孝光往來贈答且代趙魏公爲杭州金剛顯教院記金陵天禧寺佛光大師德公塔銘其亦超卓乎緇流者矣此舊鈔本有宣城李氏瞿硎石室圖書印記李之郇字伯雨江城如畫樓諸印

蒲室集十五卷

王氏鈔本

豫章釋大訢笑隱

前有虞集序又有小學樓一印蓋蕭山王氏十萬卷樓鈔本也按漢晉作塔銘云公幼開爽授以書卽成誦嘗游僧寺見佛像輒瞻禮忘歸父母知不可留出家得法於晦熙禪師卓錫杭之

鳳凰山遷中天竺大厯元年詔以金陵潛邸爲大龍翔集慶寺
公首膺其選明年驛召入見賜坐賜珍悉出異數南歸住持集
慶至正四年夏書偈而逝以母年高闕於覲省自謂有愧於睦
州編蒲奉親爰以蒲名室因以名其稿曰蒲室云

弁山小隱吟錄二卷

舊鈔本

朱修伯藏書

慈溪黃玠伯成父

玠爲宋寶章學士震之曾孫故錄中有龍頭之西有伏龍山首
枕巨海上有古寺余與族叔族弟同遊獲觀先祖遺墨之作卽
今之龍頭場也錄有至正乙酉自序云自余之西四十餘載教
授諸生以資供養得天者薄退藏終身雪水之陽弁山之下思
構數楹以寄朝夕情發於中而形於言曰弁山小隱吟錄畀
吾兒私藏之詩皆儒者之言遠異江湖末派惟詩僅五古七古
而止似非全帙玉山名勝集載玠七律十餘首吳興藝文志載

五律一首七律四首七絕六首尙可補輯也此書鈔冊甚舊上有翰林院典籍廳關防又有館臣批抹之筆似曾爲館中底本後經散出者有朱學勤修伯甫唐栖朱氏結一廬圖書記兩印弁山小隱吟錄二卷

舊鈔本

且魚亭藏書

慈溪黃玠伯成父

此本與前冊同一行款而字特工疑從元刊影寫者金華黃先生潛集有玠父墓志載父名正孫字長儒自號尙綱翁湖州府志云玠樂吳興山水因卜居卞山浙江通志云玠與趙文敏游文敏稱許之錄中碧澗侍兒曲轍耕錄云吳興趙公碧澗宋宗室也老而益貧二妾方少艾因遣之去咸弗肯嫁數歲獻肴酒於卒也獲諸水曰慎毋再見昔吾割情忍愛以去爾爾弗我忘祇覺我心耳既而各與其父母俱至泣而言曰妾家每歲請給足以養瞻應執事終身爲尼以報主恩公遂復留之他日公死

果如所言公有寡女復資育之四明黃伯成先生玠嘗有詩云
云卽此事也有汪魚亭藏閱書一印

續軒渠集十卷附一卷

舊鈔本

元去華山人蕭洪希文著明白鹿山人漸蔡宗充刪正

軒渠集宋教諭莆田洪巖虎德章撰巖虎一字吾圃原集僅存
三詩一序餘均散落嘉靖辛卯東越王琥序之興化教授吳源
爲墓志自爲附錄子希文字汝質號去華亦官訓導詩則渾厚
樸素清邁激壯故名之曰續軒渠集自有序至正壬辰易隱卓
器之玉井林以扞至治辛酉林以順並爲序明嘉靖癸巳七世
族孫珠出守紹興延山陰蔡宗充刊定序梓同時序者王鳳靈
周祚也此從嘉靖本繕錄者

艮齋詩集十四卷

舊鈔本

元侯克中撰克中字正卿真定人其弟良卿爲元刑曹掾克中

幼以瞽廢因聽羣兒誦讀輒能記憶益學易理著大易通義年
至九十餘終今通義已佚而詩集十八卷內闕八九十一四
卷首有讀六經及咏列代帝王名賢等作而七律爲多人以瞽
而傳詩亦以瞽而工也

知非堂藁六卷

舊鈔本

元臨川何中著

中字太虛一稱撫之樂安人少穎悟以古學自任家富藏書手
自讐校其學宏深該博程鉅夫元明善姚燧王構吳澄揭傒斯
王肯堂皆推服之至順初以聘爲龍興郡學官年六十八卒所
著有易類象二卷書傳補遺十卷綱目測海三卷知非堂集十
七卷知非外藁十六卷此舊鈔六卷四庫提要云顧嗣立之
所錄與王士禎之所稱名章秀句一一俱存似無亡失豈後合
併者歟

知非堂蒙六卷

舊鈔本

黃蕘圃藏書

臨川何中太虛著後學孫何賤雅言編集趙郡管時中校正

前有延祐庚申自序云咸淳壬申甫移隨父仕廣東曲江乙亥
出嶺至元丙子僑居甯都己卯始從宋進士張叔方朱光甫羅
士鼎游又嘗親劉會孟識謝君直姚端夫王肯堂交甘詠之程
鉅夫李士宏元復初揭傒斯全止所當世知名士多友善於吳
伯清爲姻兄弟云又吳伯清徵序云太虛負逸才弱冠已能詩
而亦用意於文余病中讀其集蓋優升七子之堂矣予不勝其
喜疾餘倦於書然喜之不極爲書其後而還其稿觀何雅言編
集一條或是足本王士禛云中詩王五言近體亦冲澹如聊隨
碧溪轉忽與白鷗逢小雨十數點澹烟三四峯寒沙梅影路微
雪洒香村湖雪殘波岸燈船獨夜人落葉半藏路清風時滿溪
西風一夜雨丹桂滿林花有皆唐賢風味有六如居士士禮居

藏黃丕烈印復翁四印後有薨圖手跋

貢文靖公雲林詩集六卷

明鈔本

元貢奎撰奎字仲章宣城人性明穎容儀端重始爲池州路齊山書院山長秩滿謁選除翰林國史院編修官遷待制至元元年告歸築愛日亭奉母遊宴鄉人榮之母沒復拜集賢學士天歷元年命代祀北岳淮濟南鎮還自會稽卒謚文靖自號雲林子所爲詩文曰雲林小稿曰聽雪齋詩曰青山漫吟曰倦遊稿曰豫章稿曰上元新稿曰南湖紀行凡百二十卷明永樂中徵入祕府家無副墨惟雲林小稿存其曾孫蘭字斯馥謁南京助教三山陳疇爲序時洪熙元年附錄天歷二年門生李黼行狀馬祖常奉敕所撰碑銘臨川吳澄後跋

貢文靖公雲林集十卷

十萬卷樓鈔本

元宣城貢奎著明八世孫靖國刊

此本析爲十卷附錄天遊亭記嵇法師碑二篇乃三世孫蘭所增也餘列馬祖常撰神道碑銘李黼撰行狀虞集撰游長春宮詩序吳澄題文稿後

梅花字字香前集一卷後集一卷

舊鈔本

元邵豫亨撰

豫亨里籍未詳自號梅巖野人前有至大辛亥臘八自序云凡見古今詩人梅花傑作必隨手鈔錄而歌詠之積以歲月遂成巨編熟之既久若有所得暇日輒集其句目爲字字香云前後凡七律二百首其書名乃取晏殊詞語唱得紅梅字字香也

靜春堂詩集四卷附錄一卷

舊鈔本

李伯雨藏書

吳郡袁易通父

易長洲人不樂仕進東平徐公薦於朝力謝之行中書省署徽州路石洞山長歸築堂曰靜春有書萬卷手自校訂少敏於學

蘊積之素一發於詩大德十年卒年四十有五金華黃潛志其墓集八卷爲其子郡學教授秦編延祐庚申高郵龔鼎首序同序者爲陸文圭錢重鼎郭麟孫楊載虞集湯彌昌陳繹曾明正統三年海虞吳訥又爲後跋訥蓋其五世孫也後有吳寬一跋集遭兵火僅存四卷四庫著錄者卽是本也袁氏五硯樓旣錄其文黃氏堯圃又攷證之而爲附錄一卷曰謂此集之可寶者在八卷之目尙全或可因是以俟訪求云云此本宣城李氏伯雨又從堯圃本錄出者有李氏之卽伯雨手鈔二印

功齋集八卷 舊鈔本

元蕭鄭撰

鄭字維斗奉元人歷官集賢學士國子祭酒諡貞敏元史入儒林傳所著詩文卒後散失至正四年蘇天爵官西臺始蒐其遺文八十篇詩二百六十首樂府二十八篇分十五卷官爲鈔版

有江北淮東肅政廉訪司下本路刊印牒文自元迄明集久失傳四庫館輯自永樂大典詩數相符文祇得半釐爲八卷冠以奉元儒學教授張冲國子監丞李黼兩序

馬石田文集十五卷

小山堂鈔本

振綺堂藏書

元馬祖常撰祖常字伯庸世爲雍古部人居靖州之天山光世事金爲馬步指揮使子孫因號馬氏父潤徙家光州延祐初貢舉法行鄉會試皆第一廷試第二應奉翰林擢監察御史累官行臺中丞卒謚文貞工於文章宏瞻精核務去陳言專法秦漢而自成一家言詩則圓密清麗大篇短章無不可傳者集前有至元五年九月下揚州路總管府發儒學刊版傳布牒文江北淮東道肅政廉訪司諸人銜名並御史臺都事王守誠趙郡蘇天爵陳旅序明宏治癸丑太常寺少卿長沙李東陽重刻序宏治癸丑工部右侍郎維揚張頤後跋附錄虞集許有壬撰碑銘

此本版匡外有小山堂鈔本五字汪魚亭藏閱書一印

馬石門文集十五卷

十萬卷樓鈔本

元馬祖常撰祖常所居爲石田山房故以名集前有王守誠陳旅蘇天爵三敘而無牒文與李東陽序後有張頤跋及虞集撰桐鄉阡碑許有壬撰故資德大夫御史中丞贈撫忠宣憲協正功臣河南行省右丞上護軍魏郡馬文貞公神道碑銘

道園學古錄五十卷

明嘉靖刊本

王漁洋惠定宇藏書

雍虞集伯生

集字伯生蜀郡人官翰林學士奎章閣待書進侍講學士贈仁壽郡公諡文靖元史有傳集五十卷分四編曰在朝稿二十卷曰應制稿六卷曰歸田稿十八卷曰方外稿六卷至元六年刻者有門人李本序明景泰丙子刻者有崑山知縣鄭達序稱從太倉興福寺九袞僧疎公得建本刻之并歐陽元舊序及致劉

其書附識語目錄後有重增目錄此嘉靖乙酉侍御敬齋陶公按部撫州公裔孫庠生茂輩以重鏤請遂屬其郡麥貳守堦董刊繼而丁侯貴來綰郡符督成之已將增目散入各卷中矣順天府尹進賢萬鏗爲序有惠棟之印字曰定宇池北庫收藏汪魚亭藏閱書諸印

雍虞先生道園類稿五十卷

影元刊本

汪魚亭藏書

文靖學古錄五十卷盛行於世此類稿刊於撫州爲江西湖東道肅政廉訪使沙刺班所刻張金吾嘗藏有明人鈔本前有歐陽元序及至正五年五月牒文稱集詩文若干卷前福建閩海道廉訪副使韓玉倫徒已嘗命有司鈐梓然字畫差小遺逸尙多撫州路乃本官寓閒之地如蒙移文本路詳加編錄大字刊行豈惟可以爲法後學實足以彰國家制作之盛云云後列肅政廉訪使沙刺班等八人銜名并撫州路總管詹天麟經歷黃

天覺識語自後明成化十二年蘇州陳琦陳臬江西曾爲重刻
槧鏤精工與元刻不差累黍後有琦自跋及黎久後序近日傳
本亦尠此爲前人影元版寫本字近松雪絕爲古雅未有門人
吳彤類編門生童喜吳武黜對臨川袁明善戈直重校三行每
半葉九行行二十字凡方外稿所有均削去不登今以學古錄
校之所收之文多有爲在朝歸田二稿未載者前人自愛日精
廬藏書志外他家書目絕未言及亦足以見傳本之罕矣卷首
鈐有汪魚亭藏閣書朱文方印間道光間蜀中孫氏重刻學古
錄曾搜輯文靖遺文十六卷擬重付刊後因亂不果近日仁壽
新刻本亦未附刊想其稿尙在安得假而讀之一觀道園遺文
之全也

道園遺稿六卷

元至正刊本

曹倦圃藏書

雍虞集伯生

至正二十年金華黃潛序云道園學古錄類目皆公手所編定然散逸遺落者猶不可勝計其從孫堪乃博加討訪積累之久得古律詩七百四十一篇而吳郡金君伯祥爲鈐諸梓其始所謂拾遺者乎先一年眉山楊椿序云予外姪克用公之諸孫也好古嗜學聞士友間有公詩文輒手編成帙累積所有凡七百餘篇皆學古與類稿二集所無者分次六卷附以樂府題曰道園遺稿欲刊未能近克用假館吳江之金君伯祥家伯祥亟命鈐梓後有至正十四年從孫堪識語附鳴鶴餘音一卷乃全真馮尊師與道園所共作蘇武慢詞三十二首無俗念詞一首也又有金天瑞識語有構李曹氏藏書印

道園遺稿六卷

影元鈔本

雍虞集伯生

前有綱目卷一古詩四言古詩五言卷二古詩七言律詩五言

卷三律詩七言卷四絕句五言六言卷五絕句七言卷六樂府
附鳴鶴餘音卷五後有至正十四年從孫堪識云先叔祖學士
虞公詩文有道固學古錄翰林珠玉等編已行於世然竊讀之
每慮有所遺落凡南北士夫間輒爲蒐獵求之累年始得詩章
七百餘首皆章章在人耳目及得之親筆者庶免有湮沒之歎
方類聚成編吾友金君伯祥必用壽梓命其子鏐書以入刻伯
祥之施不其永耶外有雜文諸賦尙有俟於他日云惜當日未
將文賦并梓耳

翰林珠玉六卷

觀稼樓寫本

吳人晁藏書

邵庵虞集伯生父

目錄下有己酉奉川章氏元祐刊一條末有跋云歷攷諸簿錄
無翰林珠玉之名疑出後人彙集按此編所錄亦有學古錄及
遺稿所未載者良由先生平生著作殷富李本集錄時採摭未

盡也此禦兒呂氏本雍正癸卯省試後從觀稼樓得之歸繡谷
亭插架西泠吳焯有繡谷薰習蟬華兩印

翰林珠玉六卷

舊鈔本

邵庵虞集伯生父

按楊氏椿序道園遺稿有云道園學古錄版行後湖海好事者
復輟公詩另爲一編與學古錄所載時有得失卽此本也所錄
在朝稟視學古錄爲多四言古詩中增畫魚一首五言古詩中
增趙千里出峽圖哀陳童子題許愿夫抗雲樓三首七言古詩
中增董元夏景山口待渡圖金人出塞圖二首五言律詩中增
題秋山圖名酒二首七言律詩中增自仁壽回成都送李通甫
赴湖廣行省知事張志甫八十送韓伯高僉憲江西王氏孝義
詩寄福建僉憲馬叔惠用錫無作韻七首七言絕句中增青山
白雲圖畫竹僧巨然畫三首至所錄歸田稟不逮學古錄之全

而亦有不見學古錄者七言律中題大都香山寺圖爲馬竹所
照磨題香山圖用蕭性淵詩一句足成一章送常伯昂端午節
飲客與趙伯高題時錄判齊山吟卷題胡伯元活死人窩七首
七言絕句中留題龍門第五第六首寄韓克莊僉憲題戈叔義
墨竹答韓克莊僉事惠白鵝寄謝臨川錄事王君正則六首字
句亦有與學古錄異者間有自注爲學古錄所遺皆可備參攷
又道園遺藁亦有失載者如趙千里出峽圖董元夏景山口待
渡圖二首按元槧本翰林珠玉上有新編二字題儒學學正孫
存吾如山家塾刊一條存吾廬陵人元風雅亦其所選此從而
鈔出者也

翰林楊仲宏詩入卷

明嘉靖刊本

元楊載撰載字仲宏浦城人徙家杭州初以布衣薦授翰林國
史院編修官調海船萬戶府照磨仁宗復行科舉遂登延祐二

年進士第授饒州路同知浮梁州事遷甯國路總管府推官元
史有傳載明涉羣書常謂學者曰詩當取材於漢魏而音節則
以唐爲宗自其詩出一洗宋季之陋集有致和元年臨江范梈
序云仲宏有子尙幼其殘稿流落未有能爲輯次者友人杜君
伯原就其平生所得詩刻諸山中俾爲序之至大二年重陽裴
庾季昌又有序此本爲嘉靖丙申梅南翁原匯重刻並序於首
按范裴序均不詳卷數焦氏國史經籍志著爲四卷而錢遵王
敏求記載楊仲宏詩集八卷云余昔藏元版仲宏詩集後歸之
季氏此從刻本影鈔似元槧本八卷焦氏所見乃後人併卷者
耳

范德機詩集七卷

元至元庚辰刊本 怡府藏本

臨川葛維仰穆編次儒學學正孫存吾如山校刊

元范梈撰梈字亨父一字德機清江人天資穎異所誦讀輒記

一
三
三
憶耽詩工文用力精深以薦爲左衛教授遷翰林院編修官終
於湖南嶺北道廉訪使經歷年五十九吳澄爲文志其墓以東
漢諸君子擬之所著有燕然東方豫章侯官江夏百丈等稿凡
十二卷此七卷爲葛離所選總目後有至元庚辰良月益友書
堂新刊本記讀書敏求記所藏者卽是也有明善堂覽書畫印
記安樂堂藏書記二印

范德機詩集七卷

舊鈔本

馬笏齋藏書

元范梈撰此鈔自至元庚辰益友書堂刊本者也前有綱目一
二卷五言古體三卷五言絕句五言律詩四五卷七言古體六
卷七言絕句七卷七言律詩元槩本闕後至元六年正月五日
集賢直學士朝列大夫揭傒斯一序此則鈔時序猶存也有漢
唐諸馬玉堂印笏齋三印

揭文安詩集三卷續集二卷文集九卷

舊鈔本

元揭傒斯著傒斯字曼碩龍興富州人延祐初薦授國史院編修官遷國子助教召還天曆初開奎章閣擢爲授經郎與修經世大典累官翰林侍講學士總修遼金宋三史卒於官追封豫章郡公諡文安元史有傳詩集前三卷門人變理溥化校錄毛晉所刊次第與此相符惟第三卷尙少送孔學文送李都事送于孔昭三首多登祝融峰以下六首續集二卷較全集多五十九首文集九卷制表書序記碑誌雜文敘事嚴整語簡而當詩集本爲宋賓王所校文集後有楊復古題識

元音獨步揭文安公詩集二卷拾遺一卷 舊鈔本

元進士門生變理溥化集錄

按變理溥化一作錫喇布哈字元普泰定四年進士曼碩有文安集十四卷 四庫已著錄文章敘事嚴整推爲鉅製詩則清麗婉轉別饒風韻虞道園評其詩如三日新婦非至論也焦竑

國史經籍志載侯斯集一卷又顧嗣立元詩選題作秋宜集兩本原書均未見此爲明正德辛巳次川子王浩校刊浩自爲序稱可爲當時之獨步其題名絕類坊肆所爲然亦稀見矣

揭文安公文粹一卷

明天順刊本

前有揭侯斯元史列傳次目錄載文五十有七篇錢竹汀所見古書日記云揭文安公文粹沈琮刊行此本有山陰祁氏藏書籍之章曠翁手識子孫世珍印記及攷士禮居藏書題跋記有李兆洛識云揭文安集其門人變理曹化所編者文凡八卷今已不可得見此所選雖不備然敘事嚴整語簡而當者大略可見焉明時刊本此時已不可多得真有幸有不幸耶菴圃翁又補錄平湖沈琮原序曰勝國文章之盛稱虞揭氏而獨虞氏版刻盛行吾家所藏亦惟有虞文揭詩若揭文未之見也今文粹若干首近得之南京刑部郎中張君節之蓋太史楊文貞公所

選定云案牘之暇躬爲校勘爰用餐錢刻置廣州府學與四方學者共之若其治行之高文章之美已見元史本傳此不復論
天順五年三月望識

貞一齋稿二卷

舊鈔本

臨川朱思本本初父

是書阮氏元寫進 內府羣經室外集提要云思本字本初豫章臨川人嘗學道於龍虎山貞一其號云願嗣立元詩四集謂思本嘗從吳全節居都下博洽文雅見稱於時所著詩文案世無刻本僅存范梈劉有慶歐陽應丙虞集柳貫及全節六序俱諸人手書藏吳中劉損抑夫家此本乃藏書堂吳寬手鈔凡二卷上卷爲雜著文下卷則古近各體詩思本好學遠遊遍歷名山大川幾半天下嘗以昔人所刻禹迹圖混一六合郡邑圖皆有乖謬乃參閱郡縣九域一統等志攷訂古今校量遠近成輿

地圖一書計里開方之法至思本而始備今文稿內有輿地圖

自序一篇可證也大約思本之學地理爲長云

翠寒集一卷

舊鈔本

江都汪氏藏書

廣平宋无子虛

无字子虛舊字晞顏少負氣視功名如拾芥宋末兵起自晉陵
遷吳冒朱姓雖奔走搶攘不忘學業嘗代父從東征入海經高
麗病歸舉茂才以奉親辭所著有翠寒吟嘯等集其自銘曰壯
歲識中參鄧公稱以逸士子昂趙公目爲通吏海粟馮公命曰
韻人皆非所蒙也馮知最晚一見拙稿亟序之復梓以鋟行時
年八十一歲仍列廬陵鄧光薦吳興趙孟頫二舊序後有至治
二年里人錢良佑跋更有崇禎甲戌練川陸嘉穎記朱卧庵跋
云此陸鳴吾遺書錢徵君罄室故物今毛子晉家已刻行矣但
稍有異處不如此本之佳有喜孫讀過汪喜孫二印喜孫字孟

慈晚年改名喜荀江都人由舉人官知府所蓄多宋元刊本後大半歸楊至堂河督

吟嚙集一卷

明初刊本

朱卧庵藏書

吳郡宋无子虛著

无以兵亂遷吳至元辛巳父國珍領征東萬戶案牘適病痿无請以身代入海雹雨驚濤漂經高麗復罹沈疴瘦柴骨立歸見二親雖手疾未嘗輟吟至元丁亥中丞王公西溪舉茂才以奉親辭翠寒集外又爲此集始於禹鼎終於留夢炎每詠七絕一章凡一百又一各敘其始末於後自稱寐叟惺騰鄉人好寐嗜吟吟則寐寐則吟集名吟嚙者取列禦寇所謂寐聲實謙辭也前有廬陵鄧光薦中父序有朱卧庵收藏印老卧世美堂印卧庵名之赤蘇州人喜鑒別書畫宋槧元鈔初厨充棟彭躬庵稱其學問淵雅通天文術亦康熙時振奇之士也

檜亭稿九卷

元至正十年刊本

天台丁復仲容甫

上元朱緒曾述之開有益齋讀書志云元金陵詩家有集存者惟集慶路訓導丁復仲容檜亭集九卷檜亭天台籍貢詩名延祐初游京師與楊載范梈同被薦辭不就浪跡江淮凡三徙居金陵城北有園亭之勝古檜列植左右名其集曰檜亭金陵新志尾校訂姓氏有訓導丁復知晉官儒學也其壻饒介之門人李謙之各有編輯南臺監察御史張惟遠合編爲九卷至正十年刊於集慶學有中山李桓永嘉李孝先臨川危素上元楊嗣四序偶桓乾坤清氣集仲容詩扶桑行送鉅仲剛東歸題長江萬里圖蘭堂上人之金陵因寄憲府張使君三首爲此集所不載偶讀朱右白雲稿云李謙之編檜亭集如瓊花瑞竹送常憲使題長江萬里圖皆贈炙人口而不能盡傳因補所未備得一

百四十七首與御史王克惠商刻之

檜亭集九卷拾遺一卷

舊稿本

天台丁復仲容父

前有李桓李孝光危素楊翮四序目錄列卷一古詩四言前集一首續集四首卷二五言前集十八首續集三十五首卷三七言前十四首續十九首卷四近體五言長律前一首續三首卷五五言八句前廿二首續四首卷六五言絕句前四十首續五首卷七七言長律續四首卷八七言八句前四十首續五十四首卷九七言絕句六言附前三十首續四十七首雖經張氏惟遠合刻得此目如見饒氏李氏之舊輯矣後有至正十年冬江夏喻立誌云丁先生壯游京師公卿薦之館閣不就放情詩酒終老江湖今所類諸體詩凡三百一十五首分爲九卷其增饒介之門人李謹之前續蒐輯也御史張君惟遠惜不大傳移文

有司鈇梓集慶學宮教授查信卿實董其成云此本後別從草堂雅集乾坤清氣元音大雅集赤城詩集鶴亭詩倡和集鐵網珊瑚諸書拾出凡四十餘首似亦可略得朱白雲所補之梗概矣

淵穎吳先生集十二卷

明嘉靖刊本

門人金華宋濂編

元吳萊撰萊字立夫浦陽人延祐中舉於鄉七上禮部不利退居深山窮諸書奧旨著尚書標說春秋世變圖春秋傳授讀古職方錄孟子弟子列傳楚漢正聲樂府類編唐律刪要凡數百卷柳貫嘗稱爲絕世之才黃潛謂人曰萊之文蘄絕雄深類漢秦間人所作吾縱操觚一世安敢及之其爲前輩推許如此後以御史薦爲饒州路長鄉書院山長未上卒年僅四十四君子惜之私謚曰淵穎先生宋濂爲謚議并碑文集之前有門人胡

翰序又劉基胡助二序目錄後附公之子金華儒學教諭士諤
識云先公平生銳意立言雖病疾纏綿未嘗一日廢其業故簡
編日盈而月繁適景濂抱疾家居因彙其稿以屬焉景濂遂摘
其有關學術議論之大者以所作先後爲序備列如上餘未刻
者甚多復繕寫之以藏於家又有金華後學宋璉贈寫一行案
璉字仲溫濂之次子官中書舍人工篆隸眞草書三十七而歿
此書爲其原寫至嘉靖元年太常博士李九皋屬當塗祝鑾重
刻祝自爲序

右別集類十一

善本書室藏書志卷三十三終

善本書室藏書志卷三十四

錢塘丁丙松生甫輯

集部十三

金華黃先生文集四十三卷 影寫元至正刊本

臨川危素編次 番禺劉耳校正

元黃潛撰潛字晉卿婺州義烏人延祐二年進士授南海丞入
爲應奉翰林文字出爲浙江儒學提舉致仕後起爲侍講學士
修國史久之南還凡七年而卒年八十一謚曰文獻今考公集
二十三卷刻於先生歿後五年此則刊於三山學宮實成於先
生未歿之前二年前有至正十五年宣城貢師泰序云先生文
集總四十三卷其初稿三卷則未第時作危素所編續稿四十
卷則皆登第後作門人王生宋生所編次也今年已七十有九
康強善飲啖援筆馳騁如壯歲云云 四庫既未著錄阮氏亦

未進呈黃丕烈所藏錢大昕所跋皆未之全竹書堂先得殘鈔
本後陸心源得上海郁氏元刊全帙始假之補足校正較三山
本文多數十篇誠希有祕冊也

黃文獻公集二十三卷

影寫明本

張氏愛日精廬藏書

初稟續稟上臨川危素編續稟中門人王禕編續稟下門人宋濂
傅藻同編

前有宋濂序云先生薨後之五年家藏日損齋稟二十五卷縣
大夫胡君惟信恐其湮沒亟取鈔梓以傳謂濂嘗從先生學俾
爲之序所刻卷一至三曰初稟卷四至十曰續稟上卷十一至
十六曰續稟中卷十七至二十三曰續稟下後有杜桓序云黃
文獻公集刊置學宮垂及百年正統丁巳學燬於火教授王君
樂孟從烈燬中挾文集版出得弗燬既而檢閱闕版百餘金華
縣大夫余侯捐俸刊補云附刊城南齋記謹按 四庫著錄者

止十卷爲嘉靖辛卯張儉序提要云危素所編本爲二十三卷
今未見卽此本也昭文張金吾從而影寫有祕冊愛日精廬藏
書兩印又琴川席氏珍藏臣誤之印仲治三印粵匪之亂燬失
六卷今假畧里瞿氏藏本倩凌蘭生補足之

圭齋文集十六卷

明成化刊本 五觀樓藏書

宗孫銘鏞編集安成後學劉鈺校正

元歐陽元字原功瀏陽人延祐二年進士授同知調縣尹
召爲博士遷待制至正初修宋遼金三史爲總裁拜翰林承旨
卒年八十五追封楚國公謚曰文元無子以從子達爲嗣前有
揭傒斯序又有宋濂序云公薨二十四年其孫祐持公集二十
四卷來謂濂曰先文公之文多至一百餘冊皆燬於兵此則在
燕所錄自辛卯至丁酉七年之作耳間有見於金石者隨附入
之此書爲五世宗孫俊質搜輯欲梓未果長子銘季子鏞益增

輯之重編十六卷後有天順辛巳成化庚寅安成後學彭時兩
跋及劉鈺跋按揭傒斯作元集序云歐陽先生集曰詩流者三
卷曰鉛中者十卷曰驅煙者十五卷曰強學者十卷曰述直者
三卷曰勝語者三卷其門人王師模所輯也竊意原功於揭公
爲同朝後進公不應以先生稱之且原功三仕成均兩爲祭酒
六入翰林三拜承旨凡朝廷高文典冊多出其手而序云惜棄
在草野不得與典謨訓誥之述作以黼黻皇猷然文關世教斯
可傳矣不繫其人之隱顯則所謂歐陽先生者直隱居不仕初
不在承明侍從之列又原功與揭公交甚密集中揭公墓碑銘
言嘗共修典憲又共史事今序云獨恨不登先生之堂從諸先
生之後則歐陽公與先生並未識而不過因其門人之請爲序
以塞其求其別爲一人可知蓋銘鏤輩皆非文人見文安集中
有歐陽先生集序以爲必是序其先世之文因弁諸卷首可齋

又誤從而述之亦可見明人之不學矣提要亦引揭序而未曾加以攷核有五硯樓袁氏收藏金石圖書一印

圭齋文集十五卷附錄一卷

舊鈔本

振綺堂藏書

此書開卷亦題宗孫銘鏞編集安成後學劉鈞校正兩行前有金華宋濂序附錄張起巖撰神道碑銘危素撰行狀此仍依成化本寫錄也惟無彭時劉鈞後跋及吳節撰楚國文公碑跋一篇耳按時跋稱宋公景濂爲序者二十四卷悉燬於兵不可見矣防里五世宗孫俊質翁收集散亡得十一於千百欲梓行而未果翁之長子銘季子鏞益增輯之凡十六卷將以屬浙江督學憲副劉君仰和重加校正入梓屬時序之有跋云俊質翁藏圭齋集於燬軼之餘其長子銘旁求博訪而類入之子兄廣東參政寶瑁其門故余嘗從而獲觀焉暨提學來浙翁之從孫永康司訓汶持所錄副本謁余校正去年翁之季子京衛經歷鏞

來訪託校益勒又得可齋彭先生跋讀之益加景仰乃捐俸鏤梓以廣其傳銘字光器鏤字光樂去公五世汶字伯魯則爲七世皆居防里仕與隱俱賢云然則成化本實刊於浙中也有汪魚亭藏閱書一印

澹居彙一卷

元至正刊本

顧俠君藏書

熙怡道人番易釋至仁行中前饒州路總管府判官皇甫琮廷玉編

至仁字仁仲號熙怡叟又自稱澹居子鄱陽人得法於徑山元叟端和尚駐錫蘇州萬壽寺博綜經傳尚書貢公泰甫侍郎黃公晉卿咸服其說虞文靖公嘗稱其文醇正雄簡有史筆宗門之子長也詩則與貢泰甫虞伯生張仲舉唱和爲多前有至正二十四年江左外史左克新序有秀野草堂顧氏藏書印顧嗣立印俠君三印蓋選元詩時作底本者別有汪魚亭藏閱書一

印

柳待制文集二十卷

明天順刊本

教諭泰和歐陽溥編輯訓導江浦郁珍校正

元柳貫撰貫字道傳浦江人受經於仁山金履祥垂老好學不倦作文沈鬱春容人多傳誦大德四年薦爲江山縣學教諭歷湖廣儒學副提舉改國子助教遷博士擢至翰林待制元史有傳舊爲吳文正公澄所契程文憲公鉅夫以墨丸授之曰文章正印今在子矣集爲至正十年門人余闕編蘇天爵危素均有序宋濂有記刻之浦江學宮尋燬於兵焚湮晦百年天順中崑山張和爲浙憲副命教諭歐陽溥刻之屬仁和邵環爲序附錄黃潛墓表宋濂行狀戴良碑陰記

成性齋文集九卷

舊鈔本 李伯雨藏書

元朱德潤體仁著

德潤字澤民吳縣人善書札尤工畫山水人物趙文敏薦之駙
馬瀋王王以上聞仁宗召見命爲編修官明年官車晏駕英宗
嗣位會瀋王忤中貴人斥外表授征東行省儒學提舉又明年
召見留京師命君綜寫梵書事及成而宏廟陟配矣遂歸杜門
屏處三十年聲譽彌著汝穎弗靖起爲江浙行中書省照磨官
實參軍謀不再月而杭定君之謀居多以疾歸至正十五年卒
年七十二著有存復齋集十卷見鄱陽周伯琦所撰墓志此本
作九卷或別本耳前有合沙俞焯序

存復齋文集十卷附錄一卷

明刊本

季滄葦藏書

元征東儒學提舉睢水朱德潤澤民著曾孫夏重編賜進士湖廣
按察使東吳項聰彥鄒校正

前有嘉靖壬子唐陸朱衡序云存復先生天資穎異每以詩文
自喜兼善書畫延祐末游京師爲駙馬都尉瀋陽王所重委辟

提舉征東儒學不就又明年二月大雪英王獵柳林以薦召獻
雪獵賦累萬言陳敬天順時之義繼樂從禽之愆視上林甘泉
音節稍變亦足紐王風示規勸也諸公留之不可歸隱三十年
當至正間汝汴弗靖蔓及江淮強起參軍事攝長輿令撫輯備
至先生乃玉峯家宰之世祖也集几十卷雜編詩文附錄其母
吉氏墓碣提舉墓志及贈序等篇後有吳寬王鏊跋贊此書前
五卷舊鈔本有新安汪氏啟淑印信二圖記後五卷乃嘉靖刊
本有季振宜印御史振宜之印二圖記

順齋閒居叢稿二十六卷

舊鈔本

男蒲機類編門生薛鏐校正

元蒲道源撰道源字得之號順齋世居眉之青神徙家興元嘗
爲郡學正晚以遺逸徵至京供奉詞林詩爲國子博士引去詔
起提舉陝西儒學不就至元丙子卒年七十七是集至正十年

金華黃潛有序云蒲公既沒仲子御史君機哀輯遺文曰閒居叢稿二十又六卷授潛序之後有弟道銓作誄子機作墓誌

歐陽論範二卷

明成化刊本

元進士歐陽起鳴撰蘇州府知府古渝賈奭校正吳縣儒學訓導臨海陶福編集

起鳴未詳始末前有成化七年蘇州府學教授南昌程蘭序云起鳴之學蘊藉六經淹貫子史雄才博辯囊括古今凡述帝王受命爲政之道君相賢否治亂之迹聖賢道德心術之微君子仁民愛物之理以至禮樂法度安邊守國忠良王霸之辨與經傳子史言之切要者莫不表章而論列之足以楷範後學姑蘇郡守賈公白爲庠生時卽愛重是書成化丁亥乃以監察御史陞今官命訓導陶君編爲二卷并自爲後序 四庫入存目

傅與彌詩集八卷

明洪武刊本

明葉文莊藏書

任邱宋應祥伯禎點校弟傅若川次舟編

元傅若金撰若金字與礪新喻人少貧刻屬於學能文章爲同郡范梈所知得其詩法蜀郡虞集廣平宋褰以異材薦之佐使安南歸除廣川文學教授至正三年卒年四十輟耕錄載其喪妻哀戚之情多見於詩哀而不傷得性情之正其集有初篇南征彙使還新稿牛鐸音等編至正間其弟若川彙而鋟之天歷二年翰林高平范公梈元統三年集賢揭文安公傒斯至正辛巳奎章虞文靖公集先後爲序至正戊戌前進士同郡胡居敬因若川之請而又序之卷首有巡撫宣府關防蓋崑山葉文莊公舊藏也又有蓮涇太原叔子藏書記汪魚亭藏閱書諸印按王士禎居易錄稱其歌行頗得子美一鱗片甲七律亦有格調視南宋俚俗之體相去遠甚

傅與礪文集十一卷附錄一卷

淡生堂鈔本

呂氏謙習堂藏書

曹安謫言長語記傳與礪少年以織席爲生改業鍼工後有所
激始讀書詩文膾炙人口用以勉人之自礪亦奇士也洪武甲
子其弟若川既刻其詩并刻其文乞梁寅序之曰文章春容而
雅暢宜與詩歌並傳無愧古之兼美者後之附錄皆贈與礪詩
文有山陰祁氏藏書之章澹生堂經籍記曠翁手識子孫世珍
諸印又有樂兒呂氏講習堂經籍圖書白文方印

番易仲公李先生文集三十卷附一卷

經鉅堂寫本

李伯雨藏書

元李存後庵著安仁縣知縣謝經重刊國子生邑人夏霖校編
存字明遠又字仲公安仁人幼穎悟善古文游上饒陳立夫門
爲金谿之學科舉制下一試不偶卽隱居不出就學者服邑令
禮爲經師訪以民事祕書郎李孝先舉以自代不起葺書室曰
竹莊題曰後庵卒年七十有四危太僕素志其墓集爲詩十一
卷文十九卷其子卓所編永樂中其孫光第進士知邵武縣刻

於學有涂幾邠濟徐旭三序附虞集答書一篇後又爲姑蘇謝
縉重刊此本又從謝本影鈔版心有經鉏堂重錄五字有宣城
李氏瞿硯石室圖書之記宛陵李之郇藏書印二印

滋溪文稿三十卷

鳴野山房鈔本

元蘇天爵撰天爵字伯修真定人由國學生公試名第一授蘇
州判官擢修撰江南行臺御史終浙江行省參知政事卒年五
十九文稿三十卷爲前進士永嘉高明臨川葛元哲爲屬掾時
所類次新安趙訪爲之序目錄後有馬祖常題所撰聖德頌及
陳旅識語祝蕃商企翁像贊尙有詩稿七卷未見有鳴野山房
印

桃溪雜詠一卷

舊鈔本

元崇陽嚴士貞正卿著

明正統二年廣東按察使崇陽楊景序云先生諱士貞字正卿

寄庵蓋其別號其學貫穿經史旁通仙釋之書詩則沈著典雅無一蹈習庸腐模寫之工則於其邑之名物山川宦人古迹忠烈明神之祠梵宇琳宮之富草木鳥獸之異不待求之圖志可由此而得之矣因繡梓以行舊有泰定丁卯九秋宋民望序云崇陽嚴正卿往來吾江西廬山久留吾鄉及歸而求之得桃溪百詠焉此本宋序已佚

青陽先生文集九卷附錄二卷

明刊本

吳校菴藏書

門人淮西郭奎子章編輯後學維揚張毅仲剛續輯

元余闕撰闕字廷心廬州人元統元年進士授同知泗州事入爲應奉翰林文字遷刑部主事以不阿權貴棄官歸召入修史拜御史遷翰林待制丁母憂歸廬州盜起河南陷邵邑起爲淮西宣慰副使僉都元帥府事分兵守安慶拒寇屹然爲江淮保障論功拜江淮行省參知政事仍守安慶十八年陳友諒兵薄

城城陷引刀自刎墮清水潭中妻耶卜氏子德生女福童皆赴井死事聞贈撫誠守正諒節功臣追封幽國公謚忠宣爲文有氣魄能達其所言詩則體尚江左高視鮑謝徐庾下不論也集爲郭奎所輯洪武初有張彥剛刻本又有四卷本六卷本此則張仲剛增輯本前有青城王汝玉番陽程國儒雲陽李祁宏農許贊序附錄二卷採集記傳慨悼追挽之作亦署名彥輯也有吳翌鳳家藏文苑枚庵流覽所及二印

鯨背吟集二卷

鈔本

元先名世撰

按元史類編宋无字子虛舊字晞顏宋末兵起自晉陵遷吳冒朱姓著翠寒集又吟嘯集更有鯨背吟乃從事征東幕府時作皆七言斷句議論諷刺探賾闡幽不當徒以詩目之又按趙魏公翠寒集序云子虛舊以晞顏字行而此本名作名世前有至

元辛卯中秋蘇臺吟人朱晞顏自序云僕粗涉詩書薄游山水偶託迹於胄科未忘情於筆硯緣木求魚乘桴浮海云云與代父從征幕府情事不合疑以傳疑今從四庫列青陽集後其是否無從細求矣

周翰林近光集三卷扈從集一卷附補遺

淡生堂鈔本

繁兒呂氏

鄱陽周伯琦伯溫甫

伯琦饒州人以蔭補南海主簿三轉爲翰林修撰日被顧問眷遇益隆與貢師泰同擢監察御史後起爲江東廉訪使甯國陷遁走至杭改浙西廉訪使至正十七年假參知政事招諭淮張留平江者十餘年張滅歸里卒伯琦儀觀溫雅粹然如玉雖遭時多艱而善於自保博學工文尤善書法近光集乃後至元庚辰至乙酉出編修歷擢崇文監丞時作多述朝廷典制伯琦自有序虞集又爲之序扈從詩爲至正壬辰隨蹕上京所作中紀

塞垣風土尤詳自有前後二序歐陽元更爲之序又門生海昌
賈祥麟小跋集之版心有淡生堂鈔本五字并鈐有山陰祁氏
藏書之章禦兒呂氏講習堂經籍圖書汪魚亭藏閱書各印末
附遺文遺詩數篇不知誰手掇拾也

周翰林近光集三卷扈從集一卷

舊鈔本

惠定宇鮑漾飲藏書

元鄱陽周伯琦伯溫著

前有虞集近光集序云伯溫近光集備述至元至正所以蒙被
恩遇之盛司憲南海錄以爲書萬里之外一食不敢忘君嗚呼
盛哉次伯琦自序又有歐陽元序扈從集云當二南而南服闕
四方之路以盡多士之才執法侍上上京持數寸之管以申三
尺之令於時周君伯溫乘鷺羽之潔清從翠華之密勿身歷乎
山川之美秀目視平星月之推遷進而載馳載驅退而爰咨爰
度扞思輒形諸清詠回轅遂積乎佳篇伯琦自有二序末有賈

祥麒跋按伯琦初以也先帖木兒南討失律喪師御史劉希曾等十人共劾奏之伯琦乃劾希曾等越分干譽希曾等皆坐左遷由是不爲公論所與及起爲江東廉訪使甯國陷遁走杭州改浙西廉訪使江南行御史臺御史余觀糾其失陷甯國宜正其罪後江浙行省丞相達識帖睦爾承制假伯琦參知政事招諭平江張士誠拜江南行省左丞士誠留於吳爲造第宅於乘魚橋北岸厚其廩給日與諸文士流連因亦忘歸史稱其善於白保有微詞焉此舊鈔本有紅豆山房校藏善本惠棟之印定字及老屋三間賜書萬卷歛西長塘鮑氏知不足齋藏書諸印

經濟文集六卷

明正統刊本

吳敦復藏書

元翰林學士承旨楚國公河南李士瞻著曾孫國子監監丞紳都察院右僉都御史侃編次元孫進士德恢舉人憲宥重校刊

士瞻字彥聞先世南陽人後徙漢上至正初度支監卿柳嘉薦

爲知印舊例凡大都有恆產住經年深者聽就試因中大都路
進士辟中書省掾除刑部主事出贊總戎時兵犯右衛京師震
恐劉哈刺不花兵甫交母凶問至上遣使軍中慰弔士瞻曰兵
勢方振遽宣詔旨彼將哀毀不暇孰足禦敵若少緩方兩全從
之兵果大捷京師無虞累遷戶部尙書出督福建海漕適海酋
據福州士瞻往諭遂出降入爲中書參議出爲遼陽左丞再入
爲參政拜翰林學士承旨知制誥兼修國史進封楚國公未幾
病卒年五十五士瞻元史不爲立傳惟順帝本紀載士瞻上疏
極言時政凡二十事具列其目是集爲其曾孫紳所編凡文五
卷詩一卷題曰經濟蓋當時大夫士稱美其才德足以經邦而
濟世也正統九年紳自有識爲吉安太守張廷璽所刻而劉惻
爲序附陳祖仁所撰行狀并刊其子李繼一山文集十卷此本
僅六卷劉序已失一山集亦闕有吳城敦復二印并有王宗炎

所安遺集一卷附錄一卷

影寫成化本

元進士龍南令前翰林庶吉士長沙陳泰志同著

泰別字所安茶陵州人延祐二年進士官龍泉縣主簿與歐陽元同舉於鄉以天馬賦得薦考官批其卷曰氣骨蒼古音節悠然天門洞開天馬可以自見矣其賦卽登卷首詩則古體爲多神鋒凌厲奔放無前有不可一世之概卷首署名之後有至正甲申科進士湖南省魁姪光薦纂集蜀府左長史元進士潯州路總管帥機男光祿編次蜀府右長史奉政大夫孫翼編次灌陽縣學教授孫學顏校正通議大夫工部侍郎曾孫朴校正直隸揚州府學教授元孫宣訂定山東道監察御史元孫章訂定工部左侍郎前左通政來孫琬校刊左僉都御史前右通政來孫瑤刊行四川副使前監察御史來孫銓重刊奉議大夫思明

府同知來孫璠重校直隸揚州府泰州署學正事舉人來孫琦
重刊等銜名前有先生遺像劉三吾贊成化間來孫璠來孫銓
元孫章題跋又有涇原閭潔雲間周濟正德甲戌蔣冕題序

所安遺集一卷 趙氏星鳳閣鈔本

長沙陳泰志同

元史類編稱泰與歐陽元同舉於鄉官龍泉縣主簿按龍泉有
三一浙江處州一江西安吉一貴州石阡按湖廣省志泰延祐
元年試天馬賦擢上第授翰林供奉出補龍南令豈龍泉簿別
有所據耶此爲淺山趙氏輯甯手寫本後止有成化丁未來孫
銓跋及曾孫朴元孫璠銓四人銜名乃從初刻本錄出者雖較
成化重刻本闕詩二十餘首別從元詩體要湖廣通志乾坤清
氣集補遺數篇又錄新城王士禔跋云所安遺集歌行馳騁筆
力有太白之風在元人諸名家中當居道園之下諸公之上而

名不甚著豈名位卑耶內按李祁雲陽集有題刻陳所安文集云天馬驍騰早蜚聲於鄂渚鸞鳳伏竄竟殞命於殊鄉愛其人者多得之悲歌慷慨之餘見其文者猶惜其斷簡殘篇之未此幸存而未泯尙或望其可傳必有端人共成勝事寫之璠壁冀千載而不磨報以瓊瑤庶九京之可作此文亦未梓於成化本似散失已久耳

滄浪軒詩集六卷

舊鈔本

句吳呂彥貞志學著

前有至正辛巳虞集序曰句吳呂君志學和厚詳雅博學而多文始以布衣至京師數年間詞章傳誦名勝之士無不倒屣而迎之以爲上客臺省館閣以文名稱者無異辭按彥貞一名敏無錫人元末爲道士洪武初官無錫縣學教諭有無礙居士集朱氏彝尊嘗摘其詩入明詩綜

至正集八十一卷 舊寫本

元許有壬撰

有壬字可用湯陰人延祐二年進士累官集賢大學士中書左承兼太子左諭德致仕卒諡文忠元史有傳同知遼州時關中有警鄰州聽民出避棄嬰孩滿道有壬獨率弓箭手閉門以守卒無虞有追逮不許胥隸至村惟執信牌令里役呼之遇冤獄皆平翻行部廣東劾貪墨廉訪副使哈齊祭衍奏雪王毅高助趙世延寃上正始十事請發糧四千萬斛賑京畿飢其他治績尙多立朝五十年三人政府偉著風節歐陽元序其文雄渾閎雋湧如層瀾迫而求之則淵澗深實其許之也深矣至正集本一百卷繕錄方畢有壬捐館于楨忽遭起遣倉皇棄擲稿遂淪亡明宏治間五世孫顯刊圭塘小稿時亦未之見楊文貞雖收其副本究不知卽此八十一卷否尙闕十九卷與黃氏千頃堂

所載卷數相同然箋表傳狀書簡及疏稿皆無一存是散失尚不少也

圭塘小稿十三卷別集二卷續集一卷附錄一卷影成化本

元許有壬撰圭塘者安陽之別業花竹泉石超然林壑公之所休也小槩者卽至正集而不具錄者也前列元張翥及弟有孚二序其一云先生至正集百卷歐陽公爲序不幸先生捐館有孚亦以議禮忤時宰遷相守昨聞猶子楨忽遭起遺倉皇之際書籍家費悉遭棄擲至正集亦併亡失行篋中止存應酬之作所謂圭塘小稿者力疾編類以傳於世續錄題中順大夫知江西南康府事五世孫頤續編明成化時公五世孫太僕寺丞孟敬重刻海昌朱禮序此卽傳錄本也有慕齋鑒定宛平王氏家藏兩印卷首鈐翰林院印蓋館中發還者耳

吳禮部文集二十卷附錄一卷舊鈔本 汪魚亭藏書

元吳師道撰師道字正傳蘭谿人自舉明知學卽善記覽工詞章才思湧溢發爲詩歌清麗俊逸因讀宋眞德秀遺書乃幡然有志於爲己之學登至治元年進士第授高郵縣丞召爲國子助教尋陞博士其爲教一本朱子之旨而遵許衡之成法六館諸生人人自以爲得師以禮部郎中致仕終於家集二十卷原名蘭溪山房類稿題禮部者以所進之官名之也凡詩九卷文十一卷新城王士禎鈔自崑山徐秉義家始流傳於世前無序文後附錄東陽張樞撰墓表京兆杜本撰墓銘宋濂撰碑銘此本前有汪魚亭藏閱書一印

燕石集十五卷附錄一卷 舊鈔本 兩般秋而菴藏書

元廣陽宋裴顯夫著應奉翰林文字危素校正姪太常奉禮郎璜編次

裴字顯夫大都人登泰定元年進士第授校書郎累官翰林直

學士兼經筵講官年五十三卒謚文清元史有傳嘗爲監察御史於朝廷政事多所建明其文學與兄本齊名人稱之曰二宋集爲其姪彊所編凡詩十卷文五卷有歐陽元蘇天爵許有壬呂思誠危素五序首列至正八年八月御史臺咨浙江等處行中書省於各路有錢糧學校內刊印咨文一道附錄謚議墓誌祭文哀挽一卷末有明洪武間武義何之權永康呂榮跋此舊鈔本從淡生堂出也有兩般秋雨菴一印兩般秋雨菴錢塘梁晉竹藏書之所也晉竹名紹王字應來道光辛巳舉人

秋聲集十卷

勞輦隱手鈔本

元黃鎮成撰鎮成字元鎮昭武人自幼爲志力學弱冠卽厭榮利慨然以聖賢踐履之學自任延祐二年科目行再試有司不合卽築南田耕舍隱不復仕至順間與蔣師文厯覽楚漢各山周流燕趙齊魯浮海而返登普陀島觀日出賦詩翛然御史王

餘慶僉憲劉完者相繼論薦不就鄭潛行部至邵表其閭曰尊
德至正二十二年十二月庚辰逝年七十有五新安鄭潛序其
集而洪武十一年冬男鈞題後云先君子秋聲集詩文離爲十
卷中罹已亥之亂亡失大半所存者尙千餘篇重惟先君子生
平苦心萃於此集今已不全若復淪沒後人何所徵攷丁未歲
承延平太守實齋吳公繡梓以傳甫畢而世變無存鈞汲汲刊
行力有未逮姑稱力爲之繼此又當續刊危素撰墓碑知邵武
府事張文昱勒石按愛日精廬藏書志秋聲集十卷明洪武刊
本凡詩六卷文二卷實八卷每卷卷數俱畱木版心除一二三
四五九十外餘亦畱木蓋爲續刊地也世行本四卷止有詩集
此本雖似殘闕蓋當時本未全刊讀後跋可見非不完本也此
本爲丹鉛精舍所鈔有勞弊卿權玉參差館等印

秋聲集四卷

舊鈔本

元樵川黃鎮成元鎮著

前有自序卷一歌行二十四首卷二五言古體四十一首卷三五言律詩四十七首七言律詩四十三首卷四七言絕句九十三首五言絕句十四首每卷各有詩目末有竹垞老人識云黃君鎮成昭武人也元季隱居不仕有秋聲集十卷今僅存四卷詩二百六十二首余於友家借歸錄之惜其殘闕已多也有松友珍藏一印四庫著錄者卽是本耳

雁門集八卷

鈔成化刊本

宋蔚如校藏

代郡陸都刺天錫

天錫別號直齋陸都刺者華人所謂濟善也本答失蠻氏祖父以勛留鎮雲代遂籍河間生於雁門集因以名弱冠成泰定丁卯進士授應奉翰林文字擢南臺御史以彈劾權貴左遷鎮江錄事歷淮西廉訪經歷晚年寓居武林每風日晴好輒游嚴塹

窮其幽勝興至發爲詩歌流麗情婉長於言情 四庫著錄雁
門集三卷集外詩一卷卽汲古閣所刊者總目云集本八卷世
罕流傳又有巧題七言律百首別爲一集毛晉跋稱亦不可得
此乃八卷本前有至正丁丑八月禮部尙書兼集賢待制史局
總裁官吳郡干文傳序後有成化甲辰春蘇臺張習序卽讀書
敏求記所載是也舊爲宋賓王校張訥菴藏黃蕘圃手跋有宋
蔚如收藏記執經堂善本姑胥張氏祕篋張紹仁印學安訥庵
諸印

薩天錫詩集一卷 明宏治刊本

天錫詩首編於至正丁丑繼刊於成化甲辰有干序張跋可證
乃成化二十一年後甲辰止一載而兗州知府關中趙蘭跋稱
得元薩天錫詩集於仁和沈文進見其詞氣雄渾清雅興寄高
遠惜無刻本所傳不廣捐俸鉅梓屬玉田劉子鍾爲前序至宏

治十六年東昌知府雁門李舉又以同郡先達之集歲久版漶不便觀覽重繕諸梓自識小跋蓋地殊南北所見不同故各自版行此本白首迄尾葉數俱排長號且有國初人用明太平州官牘餘綴於每體之後補錄詩篇尤可備參金氏文瑞樓書目曾著於錄

安雅堂集十三卷

舊鈔本

元陳旅撰旅字叔仲莆田人幼孤篤志於學以薦爲閩儒學官與馬祖常游京師虞集識之相與講習嘗云自叔仲來問學修己之事有益於愚陋多矣其推重如此知平章事趙世延薦除助教復出爲浙江儒學提舉又召爲應奉翰林文字尋遷國子監丞卒年五十有一集十三卷其子顯所編前有至正九年張鵠序至正辛卯晉公林泉生清源序元刊本每葉二十行行二十字語元帝皆提行卷一至三賦詩卷四至六序卷七至十記

卷十一十二碑銘卷十三銘跋解詁策問贊傳此鈔本款式當從元槧而出

圭峯盧先生集二卷

萬厯己酉刊本

元錦田盧琦希韓著

琦惠安人至正二年進士令永春縣新學宮延師課士文風翕然鄰邑仙游盜發琦適在邑境立馬諭禍福眾皆請自新威惠所孚雖列郡兵革洶洶獨永春晏然不異承平調雷德縣除平陽州卒世居圭峯山下集爲元陳誠中所編明萬厯初邑人朱一龍董應舉序而刊之此本亦萬厯己酉金陵所刊有莊毓慶序後列吳鑑撰墓銘陳忠作哀辭林以順撰本傳孫伯延作後語所爲詩情詞婉約藹然循良之風惜誤編薩天錫陳旅詩四十餘首轉致眞贋互列皆以朱闔別出之文雖僅二十四篇確爲琦作也

方叔淵遺稿一卷

鈔本

元方淵撰

至元時南陽樊士寬書云方叔淵先生諱闡蒲陽人居吳年七十今年夏謝世先生自幼不娶閉門讀書訓徒以自給平生吟詠固多不喜苟作詩五言若干首盡余所見者而已 四庫館臣云五言詩凡四十二首蓋後至元己卯樊士寬鈔存非其全也然顧嗣立選元詩時所見亦止此本詩則興象頗幽觸處延賞時逢佳句特爲著錄

蛻庵詩四卷

題不足讀寫本

衡山釋大杓北山編集

元張翥撰翥字仲舉晉甯人至元末以隱逸薦至正初召爲國子助教分教上都退居淮東徵修遼金宋三史起爲翰林國史院編修史成八轉拜翰林承旨嶺北行省平章政事致仕卒年

八十二所作冲澹渾涵清峭俊邁寓情賦景兼得其妙尤工樂府老而無弱旅殯燕南至正丙午方外友廬陵北山野禪師蒙其詩來南屬僧來復序而刻之洪武間金華蘇伯衡又爲序此鮑氏廷博從明虞山梅林潘京倩藏本錄出并跋云蘇序云公所作最多掇其遺尙五百餘首按今集實五百九十三篇別本有釋宗泐跋云選得九百首疑傳寫之譌耳有老屋三間賜書萬卷世守陳編之家歟西長塘鮑氏知不足齋藏書諸印

蜨菴詩五卷蜨巖詞二卷

舊鈔本

元晉甯張翥仲舉著

右卽四庫著錄之五卷本古近體詩綜六百九十篇較四卷本多至百篇前無來復宗泐蘇伯衡三序後有元史本傳堯山堂外紀二則蜨巖詞二卷按翥父嘗爲杭州鈔庫副使故少時得從仇山村游留題不少亦杭之寓賢也

五峯集五卷

舊鈔本

撰文端藏

永嘉李孝光季和

孝光溫州樂清人自幼力學篤志復古隱居雁宕山五峯下四方之士遠來授學秦不華以師事之以薦居館閣至正七年詔徵京師召見進孝經圖說帝大悅賜上尊明年擢文林郎祕書監丞卒於官年五十三其文取法古人苟非先秦兩漢語弗以措詞元史載有文集三十卷散失已久明宏治甲子樂清令懷遠錢果訪得於儒士周綸家俾綸編次刻之果爲序一二卷古體詩三卷今體詩四卷序銘傳五卷記四庫分編六卷此其原編也有謙牧堂書畫記朱白文二印

蟻術詩八卷

舊鈔本

元雲間邵復孺著明新都汪稷校

復孺名亨貞華亭人有野處集四卷已著錄四庫提要云亨

貞所著蟻術詩選詞選世已無傳嘉慶間阮元從舊鈔過錄凡古今體詩三百七十六首又聯句三首進呈內府稱詩格高雅絕無元世綺縛之習每卷首皆有新都汪稷校字樣當爲陸深之孫鄭授刊之冊

夢觀集六卷

明初刊本

王蓮涇汪魚亭藏書

富春釋如蘭編次

元釋大圭撰大圭字恆白晉江廖氏子至正時居泉州之紫雲寺著夢觀集二十四卷首語錄三卷次詩六卷次雜文十五卷四庫館刪其語錄雜文祇就其詩編爲五卷稱其氣格磊落無纖穠之習亦無疏筍之氣石湖劍南餘音尚存於外云此明初刊六卷本首題夢觀集卷一當是專刻詩集有洪武廿二年金華宋濂序有太原叔子藏書記祕篋抱書抵百城汪魚亭藏閱書各印

栖碧先生黃楊集三卷補遺一卷

明刊本

元華幼武撰幼武字彥清無錫人世有隱德好施與鄉人賴之
早失怙母陳氏守節旌門幼武屢徵不起築春草堂以奉母竭
力承歡師事谷陽陳方子貞方題其稿云彥清愛詩甚篤而奔
於多事因題曰黃楊集世傳黃楊遇閏歲則厄而不長彥清能
不爲閏所厄則干霄聳壑予將承其餘蔭之下矣又有至正十
年陳謙及呂緯文俞貞本等序附錄俞貞本撰栖碧壙志張翥
撰春草軒記陳方撰栖碧軒記劉衢題貞固春草詩冊
貢禮部玩齋集十卷拾遺一卷

明天應刊本

汪魚亭藏書

宛陵貢師泰著會稽沈性編

師泰字泰甫宣城人肄業國學泰定四年釋褐判太和州改紹
興路推官復入翰林拜監察御史至正十四年除吏部侍郎和
擺派石尋拜禮部尚書調平江路總管張士誠據吳避海濱江

浙行省丞相承制授參知政事二十年改戶部尚書命督海運
二十二年召爲祕書卿行至杭之海甯得疾卒元史有傳師泰
鳳承家學又嘗親炙成揭袁馬諸公游吳草廬先生之門淵源
深培植厚所著有友迂玩齋集吳東軒閩南諸稿門人劉中朱
熺合爲一編題曰玩齋集熺又撰年譜紀年錄至正十九年楊
維禎至正乙未門人趙贊桐川錢用壬門人謝肅至正辛丑山
東李國鳳金華王禱青陽余闕至正戊戌新安程文先後爲序
祕書少監揭汝撰神道碑銘至明天順癸未會稽沈性守甯國
訪先生諸孫武欽得其遺稿又博求大家世族卷軸之所遺名
山勝地碑版之所傳萃而序刻之續刻拾遺一卷復爲綴跋嘉
靖乙未西蜀徐萬壁至宣州適建安李默蔡郡乘進先生後裔
庠生貢安國訪知集版模糊因言於郡丞徐君補刻一二萬壁
與默並有後序有曹溶倦圃江魚亭藏閱書諸印

羽庭集六卷 舊鈔本

天台劉仁本撰

仁本字德元以進士業中乙科試吏閩中歷官温州路總管浙江行省左右司郎中方國珍據溫台諸郡嘗入其幕參謀議歲以海舟爲元漕江淮之粟於大都皆其力也國珍敗仁本被執不屈爲明太祖鞭背而死舊與趙倅朱右謝理友善治兵餘姚時嘗於祕圖湖上仿蘭亭修禊風雅所流不獨以忠義傳也集原古亦立仁本自有序稱至正癸卯十月過上虞胡氏忽韓文公降靈取守拙齋記質諸神神贊其善而摘其誤并序其集頃刻立就先是庚子正月夢偕士友論文俄見巍冠博帶者曰吾呂紫微愈云云可謂夙契又有宋無逸原序集本散入永樂大典館臣輯爲詩四卷文二卷

不繫舟漁集十六卷

舊鈔本 江魚亭藏書

元慶元路錄事平陽陳高著

高字子上平陽人至正十四年進士授慶元路錄事一旦忽移去方氏欲招致無從得再授慈溪縣尹亦不起平陽陷棄妻子走閩浙間二十六年冬東西浙陷浮海過山東謁河南王太傅中書右丞相於懷慶論江南之虛實天下之安危當何以弭已至之禍何以消未來之憂適關陝多故未之用欲官之知其非志亦不强數月疾卒年五十三葬懷慶城南王太傅者卽明太祖所稱王保保眞男子者也明洪武初金華蘇伯衡訪其遺稿題曰子上存稿特爲序之并載子上自識及豫章楊宏撰墓誌銘祭文又伯衡跋子上書胡翰所寄詩按揭宏稱先生之文上本遷固下獵諸子詩上溯漢魏而齊梁以下弗論也自號不繫舟漁者文瑞樓藏書記載是集成化中同邑呂洪捐俸鏤版印行又八世孫侯官一元重爲校刊今皆未見有汪魚亭藏閱書

印

居竹軒詩集四卷

明初刊本

振綺堂藏書

京兆邵肅彥清校正中山劉欽叔讓編類

元成廷珪撰廷珪字原常一字元章號執禮燕城人隱於市廛植竹庭院雅有山林景趣扁其讀書之所曰居竹與張仲舉爲忘年交餘所倡酬者皆一代勝流詩則最工七律深合唐賢暮年遭亂避地吳中歿於雲間年逾七十友人邵彥清記憶其詩若干篇劉叔讓彙而刻於耕巖廬與欽並有序其先序者爲河東張翥臨川危素吳中郭英後跋者廬州守周瑯也有香雪齋郭氏張虛汪魚亭藏閱書諸印

句曲外史貞居先生詩集七卷

舊鈔本

瓶花齋藏書

元張雨撰雨字伯雨號貞居錢塘人宋張九成六世孫性狷介眇視流俗遂入道茅山受大洞經籙吳興趙文敏每以陶宏景

期之開元宮王其人偕之入京時范德機以能詩名而造范范
適出取筆留詩范大驚卽自請結交由是名震京師一時賢士
大夫爭與爲友生於宋景炎丁丑歿於元至正丙戌年七十二
葬蠡石山劉誠意某撰墓銘毛氏汲古閣所刊者首三卷陳節
齋手編徐良夫序末附劉基撰墓銘姚綬作小傳及陳應符跋
補遺三卷則閔康侯王凱度康與可輩所寄而名公酬贈之作
附焉補遺一卷乃毛晉與其甥馮武搜輯而成也刻後有閔元
衡二跋毛晉二跋此七卷一二爲五言古詩三爲七言古詩歌
行四爲五言律詩五言長律五言絕句五爲七言律詩六爲七
言絕句七爲辭四言六言五言三韻聯句銘贊詩餘統曰雜言
前有吳郡徐達左序當是外史之姪鄉貢進士道所編次較汲
古閣刊者類分而詩多宜文瑞樓書目稱爲祕冊者也有吳城
敦復二印城又拾補各體於其後

句曲外史貞居先生詩集七卷

舊鈔本

毛斧季藏本

此書汲古閣未刻之先有五卷本題吳郡海昌張雨伯雨撰浙江鄉貢進士姪誼類編文瑞樓與士禮居同有藏本而士禮居更有詩集六卷詞一卷雜文一卷跋云五柳主人以柳中大僉手鈔四卷本見示與此多不合近爾宋樓藏錢天樹跋本云是本七卷雖同四庫所藏之數然第七卷內詩餘茅山逢故人至跋定武蘭亭九葉半爲厲徵君契榭手補丁龍泓徵君朱筆校者此本自七卷後茅山逢故人至跋定武蘭亭亦補九葉豈卽同錢天樹舊藏本耶惟末有海虞毛斧季圖書記一印似厲徵君手補者乃補鈔非補斬然則七卷已編在明時矣黑格精鈔非出俗手又有來雲館何以忘憂澗農悠然見南山竹鄉散人每愛奇書手自鈔曹琰楚侯諸印

商吳集十二卷

鈔宏治刊本

振翰堂藏書

括蒼鄭元祐明德著

元祐遂昌人父石門高士元初徙家盤塘幼穎悟入鄉校日能盡記諸生所授書十五作詩賦往往出奇語咸清諸老皆折節下交父卒移姑蘇從之游者甚眾省臺官闕憲府交章以潛德薦以臂疾辭生平見人患難拯拔如救水火友或貧不能自存則遍告賙之至正丁酉薦授本路儒學教授欣然不辭曰講學我素志也又陞浙江儒學提舉歲餘卒嘗以集示吳之謝徽曰吾在杭亦嘗有作茲僑吳久而作之爲多故名焉子實見而知之者宜爲序之至正二十年徽序稱其文章抑揚頓挫反復開闔一至于理而氣以據之若長江大河汨汨數千里而終歸之溟渤綽有古作者風明宏治丙辰吳下張習識云遂昌山人集二十卷僅分詩與文而無類皆漫稿也又言僑吳集者編次固當然多繁蕪重出通錄之得其詩文之精純者併爲一十二卷

仍名曰僑吳集用梓以傳此卽據宏治本所寫者有衍齋古鹽
官州馬思贊之印又有汪魚亭藏閣書一印

林外野言二卷附補遺一卷 舊鈔本 蔡陸士藏書

崑山郭翼義仲

翼少力學遂於易自號東郭生嘗從楊廉夫游詩如望夫石精
衛詞皆用鐵崖樂府體尤爲酷肖至正十一年廉夫序之曰翼
早歲失怙中年失子家貧而屢病宜其言之大號疾呼有不能
自適者而予每見其所作則皆悠然有思潏然有旨興寄高遠
而意趣深長於君親臣子之大義或時有發焉未嘗不歎其天
資有大過人者而不爲世變之所移也此本有補遺一卷從玉
山草堂雅集補三首乾坤清氣補二十三首西湖竹枝詞補二
首珊瑚木難補三首崑山雜錄補七首秀野草堂元詩選補一
首元才調集補一首原附與顧仲瑛書范陽盧熊撰墓志銘卷

首有蕭山陸士藏玩書畫記蔡聖程家珍藏二印

林外野言二卷補遺一卷雪履齋筆記一卷

十萬卷樓鈔本

崑山郭翼義仲

前有上下卷目錄楊維禎序後附翼與顧仲瑛書盧熊撰元故遷善先生郭君墓志銘又附補遺一卷雪履齋筆記一卷末有蕭山王小穀端履識云林外野言二卷係後人掇拾殘賸爲之其佚詩時見於他書歛縣鮑君廷博訂其異同正其譌謬更錄玉山雅集乾坤清氣等所載諸詩爲補遺一卷而以雪履齋筆記附焉盧熊墓志稱義仲之學尤邃於易今易說不可得見筆記內釋易遷世无悶不見是而無悶以遷世自我而言不見是自人而言亦可見一斑云有小穀王端履二印

林外野言二卷

舊鈔本

元崑山郭翼義仲

翼少從衛培士學詩尤精於易家貧與俗寡諾自號東郭生以東郭先生故事命其齋曰雪履嘗以豪傑自負勸淮張反元貪殘舊政乘時進取若晏安逸樂坐銷精銳雖欲閉境自守其可乎士誠怒將殺之其妻力止乃逸去洪武初徵授訓導旋卒盧熊題其墓曰遷善先生此舊鈔林外野言上下二卷附與顧仲瑛書一篇有蒙泉藏書印豈奚岡故笈耶

傲軒吟稿一卷

影寫嘉靖本

蔡聖涯藏書

賜進士第西蜀洪雅李吉校正榮昌縣知縣裔孫湄川胡湘刊刻江西南昌後學東灘羅慄重校桂林第八世裔孫胡大器編刊

元胡天游撰天游名乘龍號松竹主人又號傲軒岳州平江人有俊逸才名籍籍震一世視伯生子昂不輸一籌其志苦其行廉迥有沈湘蹈海之風壬辰荏苒起道路爲墟獨天游室歸然不燬豈天亦旌之耶詩則悲壯激烈具詩人忠厚之遺後有

述志賦一篇以寓意云同邑阜野艾科撰迓民胡天游傳有宏
治十二年陝西布政司參政蜀內江鄧山繼申序嘉靖十四年
羅懷余廷瑚重刊序又有蔡聖涯家藏蕭山蔡陸士藏玩書畫
朱記

師山先生文集八卷遺文五卷附錄一卷

裴杆樓鈔本

元鄭玉撰玉字子美歙縣貞白里人髫髻穎敏惟嗜讀書十歲
聞人誦朱子之言及論朱子之道則喜其契心而切身玩味四
書之說久而融會貫通得其旨趣入黃山祥符寺及紫陽南山
觀攻苦殖學再應進士舉不利卽棄去求聖人之道門人鮑元
康等擬師山書院事之元統初有司以德行文學薦於浙省及
江南行御史臺謝不就既而朝廷遣使齎酒帛以翰林待制奉
議大夫召亦固辭宣命明兵入徽州守將將要致之曰吾豈事
二姓者明日自縊死元史入忠義傳集八卷至正庚寅自序目

曰餘力稿明吾學之不專於文詞也至正丁亥程文洪武庚戌
王禕並有序遺文五卷疑出裔孫鯨蚪等續編有楊士奇跋及
嘉靖乙酉裔孫崑識語附錄則當時酬贈與後人題詠詩文此
本版心有裴杼樓三字并平陽藏書敬義堂兩印

師山先生文集八卷文詩遺錄五卷附錄一卷濟美錄四卷

明嘉靖
司本

文集八卷有至正庚寅三月朔鄭玉自撰餘力稿序至正丁亥
婺源程文序又廬陵楊士奇跋遺集五卷則洪武三年金華王
禕序附錄皆酬贈題詠也濟美錄者欽當鼎革之際李銓納款
尋入覲已而行省調其所部兵戍瓜洲裨將李世達遂叛省遣
萬戶李朮魯敬提兵壓境世達戰敗時城中無人惟巨龍友與
王祖鄭安出迎言於敬謂亂由兵非百姓罪乞免屠戮因權署
安知欽縣招百姓復業欽之人廟祀號曰令君安有子曰千齡
卒於休甯令有廉節部使者以貞白名其里千齡子曰玉以道

德文章名天下卒以忠義傳元史從祀朱子祠里祖孫父子賢
賢相承世濟其美因景郡誌牒碑廟碑祭祝申文史傳行狀城
志等文爲錄四卷嘉靖十四年鄉後學黃訓序之裔孫燭又爲
後序

友石山人遺稿一卷

明刊本

沈敏園藏書

元王翰撰翰字用文靈武人先世齊人元初從下江淮授領兵
千戶賜姓唐兀氏鎮廬州家焉翰襲爵仕名那木罕年十六領
所部有能名除廬州路總管兼督循梅惠三州友定敗浮海抵
畱居幕府表授潮州路總管兼督循梅惠三州友定敗浮海抵
交趾不果屏居安福之觀獵山者十一年洪武辟書再至語家
人曰吾所以不死者爲無後也今有三男子得死所矣長子爾
時方九齡屬其友吳海撫之遂賦詩自決閩郡吳海爲墓誌銘
洪武庚午孤子爾識云先府君喜作詩晚年忍隱林壑凡觸物

感事流連光景一寓於詩第不畜稿俾自悼年幼爲所背棄不能一舉成篇有知以來始於故舊掇拾遺篇類成卷帙用示子孫而廬陵陳仲述敘云洪武庚午余按閩郡王生偁奉其父友石山人遺稿謁余請序讀其自決一首凜然如秋霜烈日之嚴毅然如泰山巖巖之象出處之分明死生之理得非苟然眩葩組華者比云有梨兒呂氏講習堂經籍圖書沈廷芳印椒園汪魚亭藏閱書諸印

友石山人遺稿一卷附錄一卷

舊鈔本

周松藹藏書

靈武王翰著陳畱謝肇淛校

首有前進士監察御史廬陵陳仲述序翰作凡五言古詩十八首七言古詩三首五言律詩二十六首五言排律三首七言律詩十八首五言絕句四首七言絕句十六首附錄吳海樵友石山人墓志銘友石先生傳王山人哀辭送王湖州序王氏家譜

序故王將軍夫人孫氏墓志銘友石山人眞贊徐勣謝肇淛陳
鳴鶴陳薦夫謁王先生祠詩四首孤子僣謹跋元孫焯謹錄有
周春松靄張氏珍藏雪莊四印

後園黃先生存稿四卷

舊鈔本

元休甯黃樞子運著

樞字子運休甯人嘗受業於趙東山訪之門隱居求志聚徒講
學明初徵爲校官以左撻不就集文三卷詩一卷有洪武癸亥
門人李本立姻友山程叔春兩序此本 四庫不著錄藏書家
亦罕見也

夷白齋稿三十五卷外集一卷

舊鈔本

臨海陳基著金華戴良編

基字敬初臨海人受業黃潛之門至正中以薦授經筵檢討官
嘗爲草諫章安獲罪引避歸張士誠據吳聞其學引爲樞府都

事旋升內史制作書檄多出其手入明洪武初召修元史史成
賜金遣還明史文苑附趙堦傳基故寓舍有夷白齋因名其稿
又嘗寓杭州之觀巷自顏其室曰三笑軒記云娶婦二十載今
年四十有七未有子方得一女可笑一嘗至京爲養親得微祿
同進見忌避還今親沒久屬南地用兵又塵仕版可笑二平居
讀書至申韓衛鞅之法律見人談孫吳自揣皆不能今備使員
游樞幕朝夕從事不離二者之間可笑三此可當半生仕履矣
稿有戴良序尙是至正二十四年所作按夷白齋集有二本一
卽此本一宏治八年張習刊十二卷本兩本互有多寡張本有
而鈔本無者詩七十六首鈔本有而張本無者詩五十三首文
三十五首安得合二本重編之乎

聞過齋集八卷

明成化刊本

李瀚章藏書

門人靈武王儼編次邑後學邵銅校刊

元吳海撰海號魯客閩縣人扁其齋曰閒過學者稱爲閒過夫子元亡隱居不出與靈武王翰友善翰死於王事乃經紀其家撫教其子爵卒於洪武末年爲文但書甲子隱然靖節之志文集八卷整嚴古健一歸於理洪武戊寅簡編刻以行成化初温州太守邵錫重刻前列洪武永陽張惟康永嘉徐宗起序及傳後跋有季振宜藏書季振宜印淪葦汪魚亭藏閱書諸印

玉筍集十卷

陸耳山鈔本

汪魚亭藏書

會稽張憲思廉

憲字思廉山陰人家玉筍山中負才不羈薄游四方嘗走京師創言天下事眾駭其狂還入富春山中混緇黃以自放一日升高望遠呼所親曰亟去三日寇猝至死五百餘家始悔不用其言張士誠據吳禮致預樞密事非其本願枕上感興詩云拓疆良在念擇木詎忘醜嘉猷固久抱忠憤欲誰展可以悲其志矣

吳亡變姓名寄食杭州報國寺而死學詩於楊廉夫曰吾鐵門
能詩者凡百餘人求其似憲不能十人可以知其詩學矣集爲
常山丞黃玉輝發其先世藏本以梓行成化五年浙江按察司
副使提督學校安成劉紆爲序此本有雲間陸耳山錫熊識謂
錢塘施舍人直舍見有玉笥集鈔本借歸錄副畱案頭不知爲
誰取去今舍人貳守宜春戒行有日因假四庫官本付楷書
手疾寫成帙以歸行笈愧不及原本之精楷也又有汪魚亭藏
閱書一印

鶴年先生詩集一卷附一卷 明正統刊本

門人雲間管延枝編輯後學錢塘馬純校正

元丁鶴年撰鶴年字與名同色目人也世以孝聞元亡避地四
明歸老武昌其伯氏登進士第者三人鶴年安於布素覃思吟
詠至建文元年卒於成都以儒術雅重藩邸此爲正統九年楚

府刊本楚藩序云鶴年先生讀書樂道嘗見知於我祖昭王暨
我考莊王禮遇甚厚予理國之暇檢閱先生詩稿讀之皆春容
典雅溫厚和平凡忠君愛國之誠憂喜勞逸之意一於是發焉
昔兄憲王欲梓未果爰命本府紀善管延枝馬純編輯校刊後
列四明烏斯道撰傳并附其兄吉謨雅丁次兄愛理沙表兄吳
惟善諸詩

鶴年詩集四卷 影元刻本

門人四明戴稷戴習門人修江向誠編次

是本前有至正甲午金華戴良序卷首題鶴年海巢集卷一夾
注行海濱避兵時所作門人四明戴稷編次次題鶴年哀思集
卷第二夾注海濱避兵時所作門人四明戴習編次次題鶴年
方外集卷第三無夾注亦無編次姓名次題鶴年續集卷第四
夾注兵後還武昌所作門人修江向誠編次後附兄吉謨雅丁

兄愛理沙表兄樊川吳惟善三人之詩後有虎丘澹居至仁跋
此顧氏廣圻得於玉峯而歸於黃氏丕烈者也蕘圃跋云余向
藏正統重刊本止三卷今元本分四集嘗與明刻校勘分卷分
體俱非其舊卽如海巢一詩元刻在卷一或以是各集而明刻
列諸卷二失其旨矣他如哀思已下三卷皆有取意而後之稱
者僅據至仁一序悉以海巢名之有是理乎得此可證廬山面
目廣圻丕烈與夏文肅各有丁字年字韵五律詩二首紀其韻
事今從而錄出者

鶴年詩集三卷

影寫元刊本

門人四明戴穆戴習修江向誠向信道方外雲程編次

前有至正甲午秋九靈山人金華戴良序又虎邱澹居老人至
仁序目錄卷一五言古詩絕句律詩古詩長篇排律歌行卷二
七言古詩律詩排律絕句卷三四言銘附錄古雅謨丁愛理沙

吳惟善三人之詩後四明烏斯道撰丁孝子傳又闕名高士傳
萬厯丁未徐興公記卽元刊三卷之別一刻也藏陸氏顧宋樓
今借而影寫之與檜亭集可稱雙丁雙璧云

丁鶴年詩集三卷

明鈔本

振綺堂藏書

按元槧本三卷次行題門人四明戴璣戴習修江向誠向信道
方外雲鐙編次前有至正甲申戴良序澹居老人至仁序後有
烏斯道丁孝子傳傳稱鶴年西域人性狷介窮經博史尤工於
詩自其祖阿老丁公人中夏世爲顯官父職馬祿丁官武昌縣
有善政歿而葬焉後兵亂鶴年倉卒奉母走南徐生母馮先避
匿邑之東村阻絕莫之知餘十年母歿鶴年又避定海聞父墓
爲盜掘生母亦死又二十載道通還武昌別室地窆父棺天久
雨悲泣願雨止半日果如願更訪生母葬地無知者早暮祈拜
至七日夢母示朕兆尋其處恐他墓偶同復嚙血骨上良久血

骨通變茜色母一齒當正中如漆視之益驗乃收骨棺葬併加封樹云後有廬陵楊士奇跋又萬歷丁未徐興公題稱余嚮藏丁鶴年詩三卷乃永樂間刻本有楊文貞士奇跋紙墨古潔余珍惜之茲本爲元版亦分三卷簡首有高惟一印章惟一國初人有孝行詳邵志二本俱善合藏之此本爲明鈔有汪魚亭藏閱書一印余渡錄元槧格式題跋於其上仿佛見元刻焉

石初集十卷附錄一卷

舊鈔本

門生山東僉事廬陵晏璧彥文編輯

元周霆震撰霆震字亨遠吉之安成人先世居石門田西自號石田子初又省呼石初延祐復科舉勵志舉業累以書經試不偶乃篤志古文辭或有薦於當路者固謝之杜門授經以道自任至正壬辰江南失太平安成尤甚乃潔身潔行不以困阨累一心忠君愛國彰善嫉惡一以文辭發之皆可補國史卒年八

十有八私謚清節是集門人晏璧所編并製行述墓銘同時費集又銘其墓前有洪武癸丑劉玉汝成之洪武六年陳謨心吾七年葛化誠夫梅問張瑩序後有洪武辛酉晉安林堅跋成化九年六世孫正方由秋官出僉浙憲鉸木以傳同邑彭時劉宣澹安商輅各序其後

華陽貞素文集七卷附錄一卷又北莊遺稿可庵搜枯集一卷舊鈔本黃輦升藏書

裔孫新蔡學教諭朝陽編次後學胡文彬仲質甫校正七世孫旭菟輯八世孫孔昭同校

元舒頤撰頤字道原績溪人淹貫經史與同郡朱允升鄭子美程以文講學比壯受業於姑孰李善山與陶子敬潘元叔爲同舍生至元丁丑辟貴池教諭至正庚辰轉台州學正時艱不赴嘗與弟遠遜輿親避寇巖谷被擄執頤正色叱賊欲害之弟兄

執手爭先賊感而釋之洪武初屢召不出名所居曰貞素齋文
有古格詩則縱橫排宕七言古體尤勝舊著曰古淡稿曰華陽
集皆不傳此乃嘉靖十九年裔孫朝陽及旭與孔昭編輯績溪
令趙春所刊有頤自序自傳遺像唐仲實贊正德二年章瑞舊
序嘉靖庚子戴嘉猷胡文彬汪用章張孟元胡維裔孫朝陽爲
序後附貞素齋銘記花萼圖記行狀墓志銘等篇第八卷則舒
遠北莊遺稿遠字仲修舒遜可庵搜枯集遜字士謙皆頤弟均
以詩文名家一時花萼相輝裔孫孔昭因摘其詩附焉有黃錫
舊印嘉興李聘兩印

江月松風集十二卷補遺一卷

曹氏倦圃鈔本

朱竹垞藏書

元就地錢惟善思復著

惟善字思復領至元辛巳鄉薦官至儒學副提舉張氏據吳退
隱吳江之川筒又移居華亭洪武初卒葬於千山思復長於毛

詩強記而多才鄉試時以羅剎江賦命題鎖院三千人不知羅剎江爲曲江也思復引枚乘七發爲據大爲主司所稱由是知名號曲江居士又自號心白道人武夷山樵者所著江月松風集十二卷有至元後戊寅陳旅及至元五年消安夏溥兩序此冊版心下刊構李曹氏倦圃藏書八字又有一印文與版心同又有林壑宛相親及竹垞藏本二印吳石倉手輯補遺一卷有丙申桂月石倉初校一次手識及石倉手校印又有菊月何延祖氏重校一次又戊戌中春晦日繡谷代校一過疑誤處都爲改正余本多二篇并不全詩半首錄而歸之墨筆二段又有汪魚亭藏閩書印按文瑞樓書目載有康熙中朱位赤記云江月松風集世無刻本出自老人手書藏錢罄室家後歸陸子垂子垂歿爲欽遠猷所得遠猷頗與余善曾再三借鈔終靳不與下世構李曹侍郎秋岳以餅金購得之去秋侍郎捐館其仲君售

之以圖進取遂歸洞庭鉅室友人許文學星瑞與鉅室有連得假鈔焉然則此冊正曹氏出售時預錄副墨也

江月松風集十二卷

舊鈔本

元錢塘錢惟善著

按顧氏詩選云思復江月松風集十二卷焦澹園經籍志不載錢氏列朝詩集錄思復詩九首得之賴良夫大雅集所載而已練川陸子垂家藏思復手書詩集後歸曹倦圃友人金亦陶鈔得之台之甫里許氏所得與陸氏原本無異也此冊舊鈔前有陳旅夏溍兩序

江月松風集十二卷

十萬卷樓鈔本

錢塘錢惟善思復

前有陳旅序云思復好學而有才當壯盛之年未嘗有紛華之悅出所著以示余安適清蒨娓娓乎有唐人之流風焉又有夏

溥序此冊爲蕭山王氏十萬卷樓鈔本有蕭山王端履年四十歲後所見書及小穀嘉慶甲戌進士官翰林院庶吉士三印

龜巢稿十七卷辨惑編四卷附一卷

舊精寫本

元謝應芳撰應芳字子蘭武進人耿介尙節義作爲文章咸有根柢至正初舉爲三衢書院山長隱白鶴溪上構小室顏曰龜巢因以爲號寇至龜巢毀徙吳之葑門及吳淞江上所至人欽其德徐問撰傳云爲文切而爾雅詩正而溫醇扶世教正風俗人心裒然爲吾常耆舊首卒年九十有七有嘉靖十七年錫山秦金毛憲序辨惑編作於至正中因吳俗信鬼神多拘忌乃引古人事蹟先儒議論條析而辨之目凡十五中山李桓序之

山窗餘稿一卷

舊鈔本

馬牛查舊藏

元甘復撰復字克敬餘干人詩宗張蛻庵風懷澄澹意趣蕭森五言古體頗得韋柳之遺元亡之後遁迹以終著作散逸同里

趙石蒲得其手稿文僅數十篇詩止十餘首至明成化間石蒲授其孫琥藏之保甯推官張敬先閱而歆之屬琥梓傳琥有識語原有劉憲序已佚矣此本鈐有半查之印始出自馬氏小玲璫館所藏鮑廷博得之彙進四庫館故鈐翰林院印始著錄後發還鮑氏者也

梧溪集七卷

明洪武本

鮑以文藏九龍藏書

江陰王逢原吉

逢字原吉江陰州人幼從陳漢卿學詩與柯敬仲同事歲伯生得其傳故與楊范齊名至正中作河清頌臺臣薦之稱疾辭因祖母徐手植雙梧於故里橫河之上自號梧溪子築草堂於上海烏泥涇又號最閒園丁席帽山人詩則纏綿惻愴所記宋元之際人才國事多史家所未備前六卷梓行於未歿之時至正丙戌新安汪澤民己亥番陽周伯琦並敘之第七卷乃其子掖

之所刻景泰七年錢塘陳敏政補跋其後錢遵王讀書敏求記
稱初於劍峽齋購得前二卷越十餘年從顧修遠家借鈔院書
則刊本之稀可矣此本版雖漫漶悉用朱筆描全有馬思贊印
仲韓老屋三間賜書萬卷款西長塘鮑氏知不足齋藏書印元
照九能諸印

樵雲獨唱詩集八卷

舊鈔本

汪孟慈藏書

元傅顒撰顒字伯愷又字景南金華人少壯志切事功未嘗干
謁遭亂結廬城山東隅名其地曰雲顒自號雲顒山民嘗自序
其詩以爲薪桂老而雲山高寒音調古而巖谷絕響故名其集
曰樵雲獨唱長孫雍編次成帙有至正甲午自爲前序者二庚
子自爲後序者一不乞序於他人卽寓獨唱之意景泰間顒長
孫雍字邦和刻於淮陽刑部觀政淮東史敏爲序成化十一年
顒曾孫戶部尙書琪重刻之廣東左布政使安邱袁凱又序之

此本爲 國初所鈔字頗古逸有汪喜孫印信一印

佩玉齋類稿十卷補遺一卷

勞氏校本

元太常博士上元楊翽文舉

翽父剛中字志行爲世名儒與兄敏中友愛家貧力學丞相脫
歡薦爲翰林待制兼國史院編修學者稱通微先生翽承父訓
元末官休甯主簿歷提舉江浙學校太常博士元政亂還金陵
明祖徵纂修明史後以謫死謝肅密庵集自注纂修同事有翽
名楊孟載悼文學博士詩有八分書古追東漢七字詩成到盛
唐謫死已無書滿屋病多惟有藥成囊乃紀實也此本爲塘栖
勞氏錄朱緒曾校集本緒曾云稿凡三本初從 文瀾閣傳鈔
繼假振綺汪氏本文無增加後得武原馬氏舊鈔本較前兩卷
多十之三余更採上虞水利序白雲稿序續復古編序杭州府
學及嵒縣學宮碑陳少陽集跋雅頌正音所載詩八首附錄於

後按類稿刻於至正間陳旅吳集吳復與楊維禎皆爲之序有

學林堂平甫勞權之印

佩玉齋類稿十三卷 舊鈔本

上元楊嗣文舉

前有至元後丙子陳旅序雍虞集序元統乙亥吳復與譚至正
戊子楊維禎序卷一二記卷三至八序卷九論卷十題跋卷十
一樂歌卷十二啟卷十三箴寫續極工可備參校

倪雲林先生詩集六卷 明萬厯刊本

荆溪蹇曦朝陽編集八世孫珵重刊

元倪瓚撰瓚字元鎮自號雲林生錫山人家故饒於貲瓚始輕
財好學嘗築清閤閣蓄古書畫於中人罕迹其所愛寫溪山竹
石攻詞翰皆極古意性狷介好潔絕類米海嶽嘗准張割據江
東時智者獻其謀勇者効其力學者售其能瓚潔身栖遯恬然

不汙棄所蓄如弊屣洪武七年始還鄉里寓其姻郝氏年七十有四遂逝旅葬江陰習禮天順四年荆南寇朝陽因王彝齋之季梅西舊藏雲林集其孫景昇出而輯之遂鳩梓以壽其傳同郡卞榮以詩代跋翰林侍讀學士錢浦爲之序世尙有一刻乃江陰孫大雅序也萬曆辛卯王穉登又因理重刻而序之綴以附錄

呂敬夫詩集五卷鶴亭倡和詩一卷

舊鈔本 季滄葦藏書

敬夫名誠崑山之東滄人博貫經史工於楷書名流咸與之交家有來鶴亭梅雪軒詩則清新不爲腐語此本一曰來鶴堂稿一曰番禺稿一曰旣白軒稿一曰草堂雜詠一曰竹洲歸田稿總名曰敬夫詩集至正七年會稽楊維禎爲序後附鶴亭倡和詩一卷則至正戊子昆陽鄭東爲前序明天順三年崑山鄭文康爲後記也有季振宜印簡莊藝文海甯陳鱣觀諸印

樂志園詩集八卷補遺一卷

舊鈔本

鮑以文校藏

崑山呂誠敬夫

誠詩格清麗嘗與同里郭翼陸仁袁華相唱和家園蓄一鶴後有鶴自來爲伴因築來鶴亭并名其詩集四庫著錄卽是此本惟題作樂志園集未知何抹卷首鮑氏廷博書云別本標題作呂敬夫集分作四卷曰來鶴堂藁番陽稿旣白軒稿草堂雜詠竹洲歸田稿與此次第略同末附鶴亭倡和一卷則此本所無也癸未三月十七日知不足齋聽雨記前楊維禎序後鄭東敘則別本未載也有金石錄十卷人家鮑氏收藏二印

吳興沈夢麟先生花溪集三卷

舊鈔本

江西提刑按察司按察使邑人陸琦編副使郡人吳瓊校正

元沈夢麟撰夢麟字原昭吳興人舉後至元己卯鄉薦授婺源州學正遷武康令至正間歸隱不出明初以賢良徵不起獨應

聘三校浙閩文闈再爲會試同考太祖稱之老試官不强其受
官也卒年已九十嘗與趙文敏有姻遂得其詩法集爲元孫清
所編宏治六年刑部尙書彭韶序有沈溥李思仁二跋又有無
名氏後序此本題邑人陸珩編殆在清之後矣

東維子文集三十卷附錄一卷

舊鈔本

鳴野山房藏書

會稽鐵崖楊維禎廉夫著

維禎諸暨人泰定丁卯進士署天台尹罷去張士誠據浙西屢
致不能屈且撰五論又復告以順逆成敗之說識者臆之早歲
屏居吳山鐵崖自號又宏集萬卷樓輒輶傳食讀書其上故以鐵
崖自號又得鐵笛於湘江亦號鐵笛子維禎著有古樂府復古
詩麗則遺音大全集此乃初刊詩文也前有華亭孫承序後有
王俞跋云承太冲哀老一言相契慨然覓授慰我夢寐茲因完
刻以廣其傳集內序記多碑銘雜著次之古風近體僅百篇而

已此舊鈔王跋本有鳴野山房一印

鐵崖先生古樂府十卷復古詩集六卷

元刊本

太史紹興楊維禎廉夫著太史金華黃潛晉卿評門生雲間章琬
孟文注

古樂府有至正丙戌方外張天雨門生吳復兩序又金華宋淵
撰元故奉訓大夫江西等處儒學提舉楊君墓誌銘卷十末附
鐵崖作吳復墓志復字子中後改見心四歲能誦書千餘言學
詩於鐵崖自號秋客著有雲槎集至正八年病卒其墓志後人
所附也復古詩有至正二十四年門人_之洲生章琬前後序跋
此爲元槧汲古刻本所自出也

鐵崖先生詩集十卷

舊鈔本

元楊維禎撰是本分甲乙丙曰鐵崖先生詩集丁戊曰鐵崖先
生古樂府後集丁集題太史金華黃潛晉卿評點門人雲間章

琬孟文統注戊集前有至正丙午章琬跋已曰鐵龍詩集又鐵
笛詩七言絕句庚曰鐵笛詩七言律辛壬癸曰草元閣後集王
集題孫月泉輯錄月泉未詳何時人末有黃氏丕烈題云余向
藏鐵崖漫稿皆文也近有揭此詩集三冊來云是驕龍巷顧氏
物檢其舊傳書帳果有之以每冊二金易得疑出自洪永間可
與漫稿爲合璧至所錄詩篇不特東維子集二卷詩有未持卽
以復所編古樂府章琬所集復古詩亦不盡合當別據舊本也
按述古堂書目有楊鐵崖集十卷未審與此是一是二惜無從
得錢本一證異同也

鐵崖楊先生詩集二卷

夢日精廬鈔本

元楊維禎撰詩分體編集上卷凡七絕一百七十三首七律二
百四十八首七言古詩十六首下卷凡七律一百十四首七言
長律五首七律聯句六首歌行二十九首與鐵崖詩集東維子

集均不符而無五律五絕諸體疑出前人摘本文瑞樓書目載有舊鈔本楊鐵崖詩集一長卷得之於陸子振發者不知是此否前有愛日精廬藏書祕冊二印而藏書志中未列此書當是書成後所得耳

楊鐵崖文集五卷史義拾遺二卷

明刊本

諸暨楊維禎廉夫父著

前有宏治十四年賜進士第監察御史郴陽馮允中序云先生自稱挹遺老人號鐵崖登李黼榜進士仕至江潮儒學提舉入國朝年益高學益寔嘗徵聘以老辭野服扁舟往來荆湖間浮游乎五湖三泖之上人望之若神仙中人故又有鐵仙之稱平生所爲詩文甚富其詠古樂府世已梓行獨記序辭賦長篇大章備諸家大體者鮮獲見焉予按淮陽歷海陵儲少卿靜夫出是集爰託毘陵朱懋易校正付運同刻焉按朱懋易名昱是宏

正間人而愛日精廬藏書志列爲元刊似誤也卷中圻城老父
射敗將書上巉巉平章書東維子集鐵崖漫稿俱不載也史義
拾遺宏治壬戌平湖陸松爲序

鐵崖漫稿五卷

張月霄鈔本

元楊維禎撰前有無名氏序已殘闕又有鐵笛漁人傳卷四末
有無名氏跋云鐵崖之稿多矣而卒莫能得其全予幼時以周
桐村所錄一帙錄文四十九篇歲戊子或自雲間來別以錄稿
一帙售余凡文一百五十首因以鐵崖漫稿目之而以幼所錄
者附於後末有洪武十四年前從仕郎湖州路德清縣主簿謝
氏九疇跋云鐵崖先生文章余酷喜之每詢求於先生諸門人
或得之朋儕戚黨處日積月累手鈔數百篇成二帙置之几案
日常展誦嗚呼先生詩文何時遇好事者悉鐫諸梓將大快于
古云有祕冊愛日精廬藏書二印

鐵崖賦稿二卷

勞氏鈔校本

元楊維禎撰按是書儀徵阮氏元錄進 內府學經室外集云

四庫全書錄維禎麗則遺音四卷計賦三十二首此則未刻稿也賦凡四十八篇書爲洪武三十二年海虞朱燧于新氏手錄文瑞樓書目有鐵崖賦一卷卽此也未又有黃丕烈題云借青雲梯相勘此本盡出其中青雲梯三冊首題至治之音其二冊之下題曰楊廉夫諸賦始以黃金臺終以禹穴共二十二篇三冊之下半亦題曰楊廉夫諸賦始以八陣圖終以飛車共四十二篇蓋第二冊中摘取麗則遺音十九篇而割此本首三篇入之其原實合也又經勞季言格校正善而又善矣

姚叔器先生集一卷

精鈔本

天都姚璉器甫著

卷端題晉陵錢振先其尙甫晉陵薛宗諧孟甫評及武進吳審

度仲法裔孫姚宗衡幼與又姚湘姚臣姚潛姚紹鼎姚翥姚驥
姚彰姚一夔同校古近體詩俱有圈點後間有評語卷中與錢
思復徐大章張光弼杜清碧相贈答後附金華孫履烏傷王禕
建中史炳蘭溪徐原澱江吳沈星源朱升廣陵李師西浙陶安
雙溪何穆會稽屠性浦陽戴良烏傷宋謙天台楊英至正丁酉
十月遊四賢書院既而觴於叔器之西軒取赤壁賦四句十六
字分韻賦詩集而爲卷會稽屠性序之叔器詩亦見於集中

庸菴集十四卷

舊鈔本

邵二雲藏書

元宋禧撰禧原名元禧字无逸號庸菴餘姚人幼穎悟父欲使
從市井習胥吏輒哭辭母資遣游學通經史百家之旨至正庚
寅舉浙江鄉試補繁昌教諭尋棄歸洪武初徵修元史史成不
受職乞還山又與桂彥良同徵主試福建均迫於朝命非其志
也明史附趙壘傳禧詩學出楊廉夫劉能清和婉轉得於自然

文亦詳瞻明達不似鐵體之元界險怪原著庸庵文集三十卷
又庸菴集十卷見於千頃堂書目從未見有刻本浙江採進遺
書卽十卷本皆屬詩集館臣從大典內檢勘得雜文若干釐爲
四卷亦可以見其大略矣有晉涵之印邵氏二雲兩印蓋當日
命館吏所鈔也

張光弼詩集二卷

舊鈔本

元張昱撰昱字光弼廬陵人早遊湖海爲虞文靖公集張潞公
翥所知楊左丞鎮江浙用才畧參謀軍事遷杭省員外郎行樞
密院判官元政不綱棄官張士誠據江南禮致不屈而與周伯
溫楊廉夫交游相得結廬壽安坊自號一笑居士明太祖徵至
京深見溫接已而憫其老曰可間矣厚賜遣歸更號曰可間老
人徜徉湖山間卒年八十有三洪武九年錢塘陳彥博序其集
正統元年同郡楊士奇跋稱從給事中夏時得其一帙以授其

外孫浮梁縣丞時昌刻之附錄廬陵陳謨撰先生西湖赤岸之
樂邱壽藏頌一篇跋七修類稿云先生有春日詩云一陣東風
一陣寒芭蕉長過石欄杆只消幾度背騰醉看得春光到牡丹
蓋寓時事也今集不載

石門先生文集七卷

舊鈔本

汪魚亭藏書

臨江梁寅孟敬

寅元末辟集慶路儒學訓導以親老辭明初徵修禮樂書將授
以官復以疾辭歸結茅石門山下所作賦詩記序文極醜雅持
論多有根柢詩則澹遠冲和頗近陶韋此本七卷與四庫著
錄合總目前有門人黎卓崇瞻編次一行總目後有先生江西
新喻人通五經元末累舉不第洪武初召至京議禮以年老告
歸從學者甚眾所著有石門集宋元史畧歷代敘畧等書又有
汪魚亭藏閣書一印

石門文集二卷

明嘉靖刊本

黃俞邵藏書

四庫總目云石門集世有二本一七卷本乃馬氏玲瓏山館所鈔一爲新喻知縣崇安暨用刊分爲十卷大致不甚相遠蓋卽此本而析其卷帙以就成數云此本卷心分上下爲二卷首徵士梁孟敬傳及李先芳序已殘脫并闕前五葉後有永樂癸卯正月門人黎卓序云洪武初門人受業者裒集先生文已錄諸梓歲久版缺永樂改元余乃編次遺稿而重刊之曰石門文集後有嘉靖壬子後學石山傅鶚重刻識語惟七卷本止石渠閣蒙山二賦而此多虎邱山賦時雨賦散木庵賦南歸賦四篇七卷本無樂章及四言詩而此有之其古近體詩亦各多數十首并多詞四闕七卷本記止十篇而此多三十三篇序止十八篇而此多二十四篇其餘多書後四篇多書三篇論三篇傳三篇篇銘贊祝辭六篇墓誌銘五篇雖有入明以後之作而集爲全

帙可寶也有黃虞稷印不緇道人兩圓記

右別集類十二